

光緒重修安徽通志

重修安徽通志卷八十七

學校志

歷代祀禮崇封考

周敬王四十二年魯哀公誅孔子曰尼父就故宅立廟此追謚

廟故宅之始

漢高帝十二年過魯以太牢祀孔子詔諸侯卿相先謁廟而後

從政此漢以下以太牢祀孔子之始高帝以孔子後騰為奉聖君元

帝封孔霸為褒成君賜爵關內侯此聖裔承祀之始平帝元始元年

追謚孔子褒成宣尼公此孔子諡之始後漢明帝永平二年令國學

祀周公孔子此國學祀孔子之始十五年過魯祀孔子及七十二弟子此弟

子從祀之始章帝元和二年祀孔子於闕里作六代之樂此崇祀用樂之始

和帝永元四年封孔子為褒尊侯桓帝元嘉三年置百石卒史

一人掌領禮器

此聖廟設官之始

享禮則出王家錢

此領祭之始

靈帝光和

元年立鴻都門學畫孔子及七十二弟子像

此畫像之始

魏齊王正始七年使太常釋奠以太牢祀孔子於辟雍

漢以來釋奠之

禮始見於此前此祀孔子者皆於闕里至是始行於太學也

是年祀孔子以顏子配

此顏子配享之始

晉武帝泰始七年命太子親釋奠於太學成帝咸康元年帝親

釋奠

此太子釋奠天子親釋奠之始

南宋文帝元嘉二十二年釋奠設軒懸之樂舞六佾牲牢器用

悉依上公

此釋奠用舞之始

北魏孝文帝太和十六年詔定宣尼廟敕有司享薦之禮

此有享

薦之始

改諡孔子曰文聖尼父孝靜帝興和三年兗州刺史李仲

璇建聖像雕塋十子侍側

此建聖像雕塋十子之始

梁武帝天監四年立州郡學建孔子廟

此州郡立廟之始

北齊文宣帝天保元年制春秋二仲行禮每月朔祭酒領博士

已下及國子諸學生已上太學四門博士升堂助教已下太學

諸生階下拜孔揖顏日出行禮郡學則於坊內立孔顏廟博士

以下亦每月朔行禮

此朔日行禮之始

北周靜帝大象二年追封孔子爲鄒國公

此孔子封公之始

隋文帝開皇初贈孔子爲先師尼父制國子寺每歲以四仲月

上丁釋奠於先聖先師州郡學以春秋仲月釋奠樂奏咸夏

此

郡二仲釋奠之始前此元魏雖命有司薦享尙無定時也

唐高祖武德二年詔立周公孔子廟於國子學各一所四時致

祭

此周公孔子分廟之始

太宗貞觀二年詔罷祀周公尊孔子爲先聖以

顏子配備干戚俎豆之容

此孔子稱先聖之始

又詔稱孔子爲先聖顏子

爲先師四年詔州縣學皆立孔子廟

此州縣立文廟之始

十一年尊孔子

爲宣父命褒聖侯家祭服元冕二十年詔皇太子釋奠於國學

皇太子初獻祭酒亞獻司業終獻又制國學釋奠令祭酒初獻

祝辭稱皇帝謹遣某官司業亞獻博士終獻州學以刺史上佐

博士三獻縣學以令丞主簿若尉三獻

此遣官釋奠之始而二守令主祭亦始於此

十一年詔以左邱明卜子夏公羊高穀梁赤伏勝高堂生戴聖

毛萇孔安國劉向鄭眾賈逵杜子春馬融盧植鄭康成服虔何

休王肅王弼杜預范甯二十二人配享孔廟

此先儒從祀之始

高宗顯

慶三年詔先聖廟用宣和之樂乾封元年幸曲阜祠孔子追封

太師中宗天授元年追封孔子隆道公

此追封太師隆道公之始

睿宗太極

元年以曾子配享孔廟

此曾子配享之始

元宗開元八年定十哲配享

孔廟司業李元瓘奏言先聖廟以顏子配則配像當坐今乃立

侍餘弟子列像廟堂不與享而范甯等皆從祀請進十哲享於

堂上而圖七十子於壁曾子以孝經受於夫子請享之如二十

二賢乃詔十哲爲坐像悉與祀曾子特爲之像坐於亞聖之次

圖七十子及二十二賢於廟壁按子夏升祀十哲當作二十一賢帝以顏子亞

聖親製贊書於石仍令朝士分爲之贊題其壁焉此十哲配享曾子增祀之

始二十二年詔撰釋奠樂章二十七年追謚孔子爲文宣王改

祀南面坐昔祀周公南面孔子西面至此始改十哲等東西行列加贈顏子爲充

國公閔子等九人俱贈侯七十子並曾子七十三人俱贈伯是時

復以曾子列於七十子敕改廟像服袞冕樂用宮懸舞用八佾

之位諸賢俱列從祀頒金石二十四架此孔子稱王諸賢賜公侯伯之始肅宗上元二年罷諸祀惟

祀文宣王如制後唐明宗長興三年定七十二賢祠饗初釋奠

文宣王以充公顏子配坐以閔子等十哲排祭圖七十二賢於

四壁各陳酒脯後周太宗廣順二年上入兗州謁廟再拜至墓

復拜

此天子親拜之始

宋太祖建隆元年詔祭孔廟用正一品禮立十六戟於廟門增

塋先聖亞聖十哲像畫七十二賢及先儒二十一人像於東西

廡

此廟門立戟先儒增祀之始

二年詔定樂章用永安之曲太宗淳化四年

詔先聖廟六衙朔望焚香繪三禮器物制度於國學

此朔望焚香之始

真宗咸平三年增孔子守塋戶凡二十戶大中祥符元年幸曲

阜謁文宣王廟內外量設黃麾仗襲文宣公及宗族並許陪位

加諡孔子爲元聖文宣王

此孔子諡元聖之始

桓圭一從上公之制是年

詔追封聖父爲齊國公聖母顏氏魯國夫人聖配元官氏爲鄆

國夫人加封七十二弟子詔曰四科鉅賢並列五等七十達者

俱貽列侯位彼先儒皆傳聖道咸加贈典俾耀素風

此追封聖父之始

二年詔立曲阜孔子廟學舍加先聖冕服桓圭從上公之制冕

九旒服九章此加冕服之始五年改封孔子爲至聖文宣王詔太常禮

院定州縣釋奠器數此孔子說至聖之始天禧元年詔崇文館雕印釋奠

儀注及祭器圖頒行諸路仁宗天聖元年給兗州學田此給學田之始

慶厯八年詔聖父齊國公像易以九章之服於聖殿後立廟奉

安此聖父立廟之始至和二年詔封孔子後爲衍聖公此稱衍聖公之始嘉祐

六年賜孔廟飛白御書殿榜並金字篆碑帝寫榜時必巾櫛而

書此聖廟立勝之始神宗元豐六年追封孟子爲鄒國公七年詔以孟

子配享孔廟設位於顏子之次進荀況楊雄韓愈從祀此孟子封公配

享之始徽宗崇甯元年追封孔鯉爲泗水侯子思子爲沂水侯四

年詔文宣王殿以大成爲名此稱大成殿之始又詔考正先賢及弟子

冕服文宣王用王者冕十二旒衮服九章鏤圖印賜州縣學依

圖更正五年頒祀先聖祝文以顏子孟子配

此顏祝文之始

大觀二年

詔以子思從祀繪像於左邱明諸賢之間

此子思子從祀之始

四年制文

宣王改執鎮圭廟門改立二十四戟政和元年詔孔門弟子封

爵並郡縣犯先聖諱者悉改正

此廟中避諱之始

五年封樂正子克爲

利國侯又封公孫丑以下十七人爲伯均從祀孟子廟

此孟子弟子從

祀之始十四年詔國學選諸生肄習大成府所撰樂章上丁釋奠

奏於堂上

此後世樂舞生之始

高宗紹興十年詔文宣王祭與社稷並稱

大祀理宗端平三年升子思子入十哲之列

此子思子升十哲之始

淳祐

元年封周敦頤張載程顥程頤爲伯與朱子熹並從祀

此周程張朱從

祀之始景定二年封張栻呂祖謙爲伯從祀度宗咸淳三年封曾

子爲鄆國公子思子爲沂國公配享大成殿位於顏子孟子之

閒是爲四配

此稱四配之始

升顥孫子於十哲進邵雍司馬光從祀

此顥

孫子升一
哲之始

金章宗明昌三年定登歌用太常樂工其獻官并執事與享者並法服陪位學官公服學生儒服承安五年敕有司進士名有犯聖諱者避之

元成宗大德元年敕各官蒞任先詣聖廟拜謁方許以次詣神廟著爲令十一年七月武宗加諡孔子爲大成至聖文宣王仁宗皇慶二年進許衡從祀延祐六年進遊瑗從祀文宗至順元年加封聖父爲啟聖王封聖母爲啟聖王夫人封顏子充國復聖公曾子鄒國宗聖公子思子沂國述聖公孟子鄒國亞聖公進董仲舒從祀此聖父稱王四配稱聖之始順帝至正二十一年詔加楊時李侗胡安國蔡沈真德秀封爵未及從祀

明洪武四年詔定釋奠禮器各設高案豆籩簠簋悉易以資改

府地置高七年修曲阜孔廟設樂舞生一百十人擇在學者豫

教習之十四年定國學之制自先聖以下罷壞像設木主此國學易

像為主十五年頒釋奠儀注於天下府州縣學其祭官各以正

官行禮有布政司則以布政司主之分獻則以本學儒職及老

成儒士充之二十六年詔定文廟樂用登歌舞用六佾頒大成

樂器於天下府州縣學此府州縣學用樂舞之始成祖永樂八年詔文廟聖

賢改壞衣冠英宗正統二年進胡安國蔡沈真德秀從祀八年

進吳澄從祀憲宗成化十三年祭壇十二邊豆舞加入佾樂與

祀天地等孝宗宏治九年進楊時從祀十三年各文廟改用綠

色琉璃瓦此用琉璃瓦之始世宗嘉靖九年釐正祀典改奉孔子為至

聖先師四配稱復聖顏子宗聖曾子述聖子思子亞聖孟子十

哲以下弟子皆稱先賢左邱明以下皆稱先儒悉去前代封號

敕天下文廟俱撤埽像易以木主

此天下文廟易像爲主去封爵稱聖師賢儒之始

又

准禮臣議以申棖申黨爲一人存棖去黨罷公伯寮秦冉顏何苟況戴聖劉向賈逵馬融何休王肅王弼杜預吳澄十三人改林放蘧瑗鄭康成鄭眾盧植服虔范甯七人祀於其鄉增祀后蒼王通歐陽修胡瑗陸九淵五人令國子監並天下學宮皆建啟聖祠以先賢顏路曾點孔鯉孟孫激配享以先儒程珦朱松蔡元定從祀此建啟聖祠賢四賢三儒配享之始穆宗隆慶五年進薛瑄從祀神宗萬曆十二年進王守仁陳憲章胡居仁從祀二十三年進周輔成從祀啟聖祠四十二年進羅從彥李侗從祀愍皇帝崇禎十一年改稱左邱明周敦頤程顥程頤張栻朱子爲先賢

國朝

世祖章皇帝順治元年定月朔及進士釋褐釋菜禮朔望行香儀二年

定文廟諡號稱爲大成至聖文宣先師孔子九年

上臨雍親行兩跪六叩頭禮十三年

命頒國子監文廟大成樂章十四年改諡稱爲至聖先師孔子通行各

直省學宮

聖祖仁皇帝

幸闕里釋奠行三跪九叩頭禮頒

御書萬世師表額於闕里及天下學宮二十四年

御製孔子贊顏曾思孟贊立石摩挲通行直省各學

御製孔子贊序曰蓋自三才建而天地不居其功一中傳而聖人代宣其蘊有行道之聖得位以綏猷有明道之聖立言以垂憲此正學所以常明人心所以不泯也粵稽往緒仰邇前徽堯舜禹湯文武達而在上兼君師之寄行道之聖人也孔子不得位窮而在下秉刪述之

權明道之聖人也行道者勲業爛於一朝明道者教思周於百世堯
舜禹湯文武之後不有孔子則學術紛淆仁義湮沒斯道之失傳也
久矣後之人而欲探二帝三王之心法以爲治國平天下之準其奚
所取衷焉然則孔子之爲萬古一人也審矣朕巡省東國謁祀闕里
景企滋深敬擣筆而爲之贊曰清濁有氣剛柔有質聖人參之人極
以立行著習察舍道莫由惟皇建極惟后綏猷作君作師垂統萬古
曰惟堯舜禹湯文武五百餘歲至聖挺生聲金振玉集厥大成序書
刪詩定禮正樂旣窮象繫亦嚴筆削上紹往緒下示來型道不終晦
秩然大經百家紛紜殊塗異趨日月無踰羹牆可晤孔子之道惟中
與庸此心此理千聖所同孔子之德仁義中正秉彝之好根本天性
庶幾夙夜勛哉令圖遡源洙泗景躅唐虞載歷庭除式觀禮器擣毫
仰贊心焉遐企百世而上以聖爲歸百世而下以聖爲師非師夫子

爲師於道統天御世惟道爲寶泰山巖巖東海泱泱牆高萬仞夫子之堂孰窺其堂孰窺其徑道不遠人克念作聖

御製顏子贊曰聖道早聞天資獨粹約禮博文不遷不貳一善服膺萬德來萃能化而齊其樂一致禮樂四代治法兼備用舍行藏王佐之器

御製曾子贊曰洙泗之傳魯以得之一貫曰唯聖學在茲明德新民止善爲期格致誠正均平以推至德要道百行所基纂承統緒修明訓辭

御製子思子贊曰於穆天命道之大原靜養動察庸德庸言以育萬物以贊乾坤九經三重大法是存篤恭愼獨成德之門卷之藏密擴之無垠

御製孟子贊曰哲人既萎楊墨昌熾子輿聞之曰仁曰義性善獨聞知

言養氣道稱堯舜學屏功利煌煌七篇並垂六藝孔學攸傳禹功作配

二十九年定官民人等至學宮下馬例通行各直省四十三年御製平定朔漠祭告太學碑頒行各學四十九年

詔直省同城大小武職俱照文職一體入廟行禮五十一年

詔以朱子升祀十哲位顓孫子之次五十四年進范仲淹從祀五十五年

年定樂章皆用平字之義頒發府州縣學春秋丁祭一體唱贊

世宗憲皇帝雍正元年追封至聖先世五代爲王爵木金公爲肇聖王祈父公爲裕聖王防叔公爲詒聖王伯夏公爲昌聖王叔梁公爲啟聖王更啟聖祠爲崇聖祠祭日先行致祭進張迪從祀崇聖祠兩廡

二年頒

御書生民未有額於各學又

詔以後釋奠改幸學爲詣學復祀先賢遷瑗林放秦冉顏何先儒鄭康成范甯增祀先賢縣廩牧皮樂正克公都子萬章公孫丑先儒諸葛亮尹焞魏了翁黃幹陳淳何基王柏趙復金履祥許謙陳澠羅欽順蔡清

國朝陸隴其皆從祀升周敦頤張載程顥邵雍爲先賢東廡首遷瑗西廡首林放列敘先賢先儒一百二十三人位次三年

詔避聖諱四書五經外俱作邱字讀期音是年

詔郡縣丁祭增用太牢頒

御製平定青海祭告太學碑於各學四年

上親詣學釋奠跪獻帛爵五年

詔遇八月二十七日至聖誕辰致齋一日不理刑名禁止屠宰六年改闕里大成殿用黃瓦八年定直省府州縣學每歲春秋仲丁以文官最尊者主祭餘各分獻有差若主祭官因公出境委員恭代行禮又議舊例直省督撫學政俱行使臣禮但省牲不與正祭謂之祭丙嗣後省會皆令督撫學政率同司道以下官致祭若學政按試各府卽於各府

文廟行禮概不祭丙

高宗純皇帝乾隆元年頒

御書與天地參額於各學三年升有子祀東哲位卜子夏之次又以元儒吳澄復祀五年定樂用六佾設樂舞生四十人免其府縣試八年照康熙間准用平字撰樂譜十二章頒於各學十三年定十二哲及崇聖祠配東西各少牢一案每位一帛十四年頒

御製平定金川祭告太學碑於各學十八年

詔定先賢先儒神牌位次二十年頒

御製平定準噶爾祭告太學碑於各學二十四年頒

御製平定回部祭告太學碑於各學

仁宗睿皇帝嘉慶四年頒

御書聖集大成額於各學

宣宗成皇帝道光元年頒

御書聖協時中額於各學二年

詔以劉宗周從祀三年

詔以湯斌從祀五年

詔以黃道周從祀六年

詔以陸贄從祀八年

詔以孫奇逢從祀二十三年

詔以文天祥從祀二十九年

詔以謝良佐從祀

文宗顯皇帝咸豐元年頒

御書德齊懋載額於各學

詔以李綱從祀二年

詔以韓琦從祀三年

詔以公明儀從祀七年

詔以公孫僑從祀孟皮配享

崇聖祠九年

詔以陸秀夫從祀十年

詔以曹端從祀

重刊文獻通考卷八十七
穆宗毅皇帝同治元年頒

御書聖神天縱額於各學二年

詔以毛亨方孝孺呂柟從祀七年

詔以袁燮從祀十年

詔以張履祥從祀

皇上光緒元年頒

御書斯文在茲額於各學

詔以陸世儀從祀二年

詔以許慎從祀

殿廡位次

正殿奉

至聖先師孔子聖位

正中
南嚮

東配在殿內東

復聖顏子名回字子淵魯人唐贈充公宋封充國

述聖子思子名伋字子思宋初封沂水侯改封沂國公

西配在殿內西

宗聖曾子名參字子與魯人唐贈鄉伯宋封鄉國

亞聖孟子名軻字子與鄒國亞聖公明改稱亞聖孟子

東哲在殿內次

閔子名損字子騫魯人唐贈費侯宋封鄆公改封費

冉子名雍字仲弓魯人唐贈辟公

端木子名賜字子貢衛人唐贈黎公

仲子名由字子路卞人唐贈衛公

卜子名商字子夏衛人唐贈魏公

有子名若字子若魯人唐贈下伯宋封平

西哲在殿內次

冉子名冉字伯牛魯人唐贈公

宰子名宰字子我魯人唐贈齊公

冉子名冉字子有魯人唐贈徐公

言子名言字子游吳人唐贈吳公

顓孫子名顓孫字子張陳人唐贈陳伯宋封宛邱侯改

朱子名朱字元晦宋婺源人嘉定二年諡曰文寶慶三年追封

熙十二年改封齊國公哲之次

東廡先賢在殿下東

公孫僑字子產鄭人國

林放字子邱魯人唐贈清國伯宋封長山侯明嘉

原憲

字子思魯人唐贈原伯宋封任城侯明嘉靖九年改稱先賢以下各先賢同

南宮适

字子容魯人唐贈鄭伯宋封汝陽侯

商瞿

字子木魯人唐贈蒙伯宋封須昌侯

漆雕開

字子開魯人唐贈滕伯宋封平輿侯

司馬耕

字子牛宋人唐贈封楚邱侯改封雕陽侯

梁鱣

字叔魚魯人唐贈梁伯宋封于乘侯

冉孺

字子魯魯人唐贈紀伯宋封臨沂侯

伯虔

字子析魯人唐贈聊伯宋封洧陽侯

冉季

字子產魯人唐贈東平伯宋封諸城侯舊志作諸陽侯今正

漆雕徒父

字子有蔡人唐贈須句伯宋封高苑侯

漆雕哆

字子斂魯人唐贈武城伯宋封濮陽侯

公西赤

字子華魯人唐贈却伯宋封鉅野侯

任不齊

字子選楚人唐贈任城伯宋封當陽侯

公良孺

字子正陳人唐贈東牟伯宋封牟平侯

公肩定

字仲魯人唐贈新田伯宋封梁父侯舊志作公定肩今正

郭單

字子家齊人唐贈銅鬲伯宋封聊城侯

罕父黑

字子索魯人唐贈乘邱伯宋封邾陽侯

榮旂

字子祺魯人唐贈雲妻伯宋封厭次侯

左人郢

字行魯人唐贈臨淄伯宋封南華侯

鄭國

字子徒魯人唐贈萊陽伯宋封胸山侯舊志作秦人今正

原亢

字子籍魯人唐贈萊蕪伯宋封樂平侯

廉潔

字子曹衛人唐贈莒父伯宋封胙城侯

叔仲會

字子期魯人唐贈瑕邱伯宋封博平侯

公西輿如

字子上魯人唐贈重邱伯宋封臨朐侯

邽異字子微齊人唐贈平

陳亢字子亢陳人唐贈

琴張字伯開衛人唐贈南

步叔乘字子車齊人唐贈涓

秦非字子伯魯人唐贈汧

顏噲字子聲魯人唐贈朱虛伯朱封

顏何字冉魯人唐贈開陽伯朱封堂邑侯明

縣直字子象魯人唐封爵未詳明嘉靖

牧皮字子伯魯人唐封爵未詳明嘉靖

樂正克字子伯魯人唐封爵未詳明嘉靖

萬章字子伯魯人唐封爵未詳明嘉靖

周敦頤字茂叔宋道州人諡曰元淳祐元年從祀汝南伯

重修文獻通考卷一百一十五

程灝字伯淳宋河南人諡曰純清祐元年從祀封河南伯

邵雍字堯夫宋河南人諡康節清祐三年從祀

東廡先儒在殿下次

公羊高字伯明嘉靖九年改稱先儒以下各先儒同

伏勝字子賤漢濟南人唐貞觀二十一年從祀

毛亨字伯康漢河間人國朝

孔安國字子國孔子十一世孫漢博士唐

后蒼字近君漢東海鄭人

許慎字叔重漢汝南人

鄭元字康成漢高密人唐貞觀二十一年從祀宋封高密

范甯字武子晉南陽人封陽遂侯唐貞觀二十一年從祀宋封

志作順陽人今正

陸贄字敬輿唐嘉興人諡曰宣

范仲淹字希文宋吳縣人封汝南公諡文正後追

歐陽修字永叔宋廬陵人諡文忠

司馬光字君實宋夏縣人贈溫國

謝良佐字顯道宋上蔡人諡文忠

羅從彥字仲素朱劍浦人諡文質

李綱字伯紀朱邵武人諡忠宣

張栻字敬夫朱緜竹人諡曰宣

陸九淵字子靜朱金谿人諡文忠

陳淳字安卿宋龍溪人諡文忠

真德秀字景元宋浦城人諡文忠元正二十一年封

何基字子恭宋金華人諡文定

文天祥 字宋瑞 宋吉水人 國朝道光二十三年從祀

趙復 字仁甫 宋德安人 國朝雍正二年從祀

金履祥 字吉父 元蘭溪人 諡文安 國朝雍正二年從祀

陳澧 字可大 元都昌人 國朝雍正二年從祀

方孝孺 字希古 明甯海人 國朝同治二年從祀

薛瑄 字德溫 明河津人 諡文 國朝同治二年從祀

胡居仁 字叔心 明餘干人 諡文 國朝同治二年從祀

羅欽順 字允升 明泰和人 諡文莊 國朝同治二年從祀

呂柟 字仲木 明高陵人 國朝同治二年從祀

劉宗周 字起東 明山陰人 國朝諡忠介 道光二年從祀 舊志作諡曰忠今正

孫奇逢 字啟泰 明容城人 國朝同治十年從祀

張履祥 字考夫 明浙江桐鄉人 國朝同治十年從祀

陸隴其字稼書國朝平湖人雍正二年從祀乾隆元年追諡清獻舊志證在從祀前今正

西廡先賢在殿下西

遽瑗字伯玉衛人唐贈衛伯宋封內黃侯元祐六年從祀明嘉靖九年改祀於鄉國朝雍正二年復祀

澹臺滅明字子羽魯人唐改稱先賢以下各先賢同

宓不齊字子賤魯人唐贈單父侯

公冶長字子長齊人唐贈高密侯

公哲哀字季次齊人唐贈郕伯宋封北海侯

高柴字子羔齊人唐贈共城侯

樊須字子遲魯人唐贈侯

商澤字子季魯人唐贈侯

巫馬施字子旗陳人唐贈鄆伯宋封東阿侯

顏辛字子柳魯人唐贈侯

曹邴字子循蔡人唐贈

公孫龍字子石楚人唐贈

秦商字子玉魯人唐贈上

顏高字子驕魯人唐贈瑯

壤駟赤字子徒秦人唐贈北

石作蜀字子明秦人唐贈邠

公夏首字子乘魯人唐贈亢父伯未

后處字子里齊人唐贈營

奚容蒧字子哲衛人唐贈下

顏祖字富陽侯從祀考云贈臨邑伯

句井疆字子疆衛人唐贈洪

秦祖字子南秦人唐贈少

縣成字子祺魯人唐贈鉅野伯宋封武城侯

公祖句茲字子之魯人唐贈期思伯宋封即墨侯

燕伋字思秦人唐贈漁陽伯宋封沂源侯

樂欬字子聲魯人唐贈昌平伯宋封建城侯

狄黑字晉衛人唐贈臨濟伯宋封林慮侯

孔忠字子茂孔子兄之子唐贈汝陽伯宋封鄆城侯

公西蒧字子阿伯宋封徐城侯祝阿伯宋封徐城侯

顏之僕字子叔魯人唐贈東武伯宋封宛句侯

施之常字子恆魯人唐贈乘氏伯宋封臨濮侯

申棖字子周魯人唐贈魯伯宋封文登侯

左邱明魯中都人唐貞觀永徽中配食孔庭宋封琅邱伯改封中都伯明嘉靖九年改稱先儒國朝雍正二年升祀

賢先

秦冉

字子開魯人唐贈彭衙伯宋封新息侯明嘉靖九年罷祀國朝雍正二年復祀

公明儀

成武城人從祀國朝

公都彀

齊人宋政和五年配享孟廟封平陰伯國朝雍正二年從祀舊志作公都子今正

公孫丑

齊人宋政和五年配享孟廟封壽光伯國朝雍正二年從祀

張載

字厚朱郛縣人諡曰明道祐元年從祀封即伯國朝雍正二年改稱先賢

程頤

字正叔宋河南人諡曰正公國朝雍正二年改稱先賢至順二年加封洛國公

西廡先儒

在殿下次

穀梁赤

周末魯人唐貞觀二十一年從祀宋封羹邱伯改封駐陵伯明嘉靖九年改稱先儒以下各先儒同

高堂生

漢魯人唐貞觀二十一年從祀宋封萊蕪伯

董仲舒

漢廣川人元至順元年從祀明洪武二年封廣川伯

毛萇

漢趙人唐貞觀二十一年從祀宋封樂壽伯

杜子春

字時元漢末緱氏人唐貞觀二十一年從祀宋封緱氏伯

諸葛亮字孔明漢末瑯琊人封武鄉侯諡忠武元至治二年加封王爵國朝雍正二年從祀

王通字仲淹隋龍門人私諡文中子明嘉靖九年從祀

韓愈字退之唐南陽人諡曰文封昌黎伯宋元豐六年從祀舊志遺今補

胡瑗字翼之宋海陵人諡安定改文昭端平二年從祀

韓琦字公弼圭宋安陽人封魏國公神宗朝成豐二年從祀

楊時字中立宋將樂人諡文靖元至正二十二年追封吳國公明宏治九年從祀封將樂伯

尹焞字彥明宋洛陽人國朝雍正二年從祀

胡安國字康侯宋崇安人諡文定元至正二十二年封楚國公明正統元年從祀成化三年封建甯伯

李侗字愿中宋劍浦人元至正二十一年追封越國公明萬曆四十二年從祀

呂祖謙字伯恭宋婺州人諡曰成改諡忠亮景定二年從祀恭宋婺州人諡曰成改諡忠亮景定二年從祀

袁燾字叔和宋浙江鄞縣人諡正獻國朝同治七年從祀

黃幹字直卿宋閩縣人諡文肅國朝雍正二年從祀

蔡沈 字仲默 明初諡文正 建陽人 贈榮國公 元至正二十二年封建國

魏了翁 字華父 宋蒲江人 諡文靖 贈秦

王柏 字會之 宋金華人 諡文憲 國朝雍

陸秀夫 字君實 宋鹽城人 諡文忠 國朝雍

許衡 字仲平 元河內人 諡文正 國朝雍

吳澄 字幼清 元崇仁人 諡文正 封臨川郡公 明正統八年復祀

許謙 字益之 元金華人 諡文懿 國朝雍

曹端 字正夫 明潯池人 私諡靜 國朝同治二年從祀

陳獻章 字公甫 明新會人 諡文 國朝嘉靖十二年從祀

蔡清 字介夫 明晉江人 諡文莊 國朝雍正二年從祀

王守仁 字伯安 明餘姚人 封新建伯 贈 國朝嘉靖十二年從祀

呂坤 字叔簡 明甯陵人 國朝道光六年從祀

黃道周

字幼平明漳浦人國朝
諡忠靖道光五年從祀

陸世儀

字道威明太倉人
國朝光緒二年從祀

湯斌

字孔伯國朝睢州人
諡文正道光三年從祀

崇聖祠

正位奉

肇聖王木金父公

裕聖王祈父公

詒聖王防叔公

昌聖王伯夏公

啟聖王叔梁公

宋大中祥符元年封齊國公元至順元年加啟聖
王明嘉靖九年立祠題啟聖國朝雍正元年稱

崇聖祠

東配

在祠內東
旁西向

先賢孔氏

名孟皮字伯尼孔子兄國朝咸豐七年配享

先賢顏氏

名無繇字路顏子之父唐開元二十七年從祀贈祀伯宋祥符二年封曲阜侯元至順三年封杞國公諡

文裕明嘉靖九年改配啟聖祠

先賢孔氏

名鯉字伯魚子思子父宋崇甯元年封泗水侯咸淳二年從祀明嘉靖九年改配啟聖祠

西配

在祠內西旁東嚮

先賢曾氏

名點字子皙曾子之父唐開元二十七年從祀封宿伯宋祥符二年封萊蕪侯明嘉靖九年改配啟聖祠

先賢孟孫氏

名激孟子之父元延祐三年封邾國公明嘉靖九年配享

東廡先儒

在祠外東旁西嚮

周輔成

敦頤父明萬厯二十三年從祀

程珦

字伯溫顯頤父封永平伯明嘉靖九年從祀

蔡元定

字季通沈之父嘉定三年贈迪功郎諡文節明嘉靖九年從祀

西廡允儒

在祠外西旁東嚮

張迪

載父國朝雍正二年從祀

朱松

字喬年號韋齋朱子之父元至正二十一年諡清獻明嘉靖九年從祀

禮器

承牲以俎承帛以篚書祝文則用版裸獻之器曰爵曰尊縮酒之器曰茅沙池盛酒醴之器曰太尊曰犧尊曰象尊曰山尊曰雷尊曰著尊曰壺尊曰彝爵酒之器曰勺置爵之器曰坫盛食品之器曰登曰釶曰簋曰簠曰豆用以蒸香者曰香鼎用炳蕭脂者曰燔鑪用以然照者曰燭檠曰庭燎用以澆濯盥洗者曰鼎曰洗用以庋祭器者曰案曰几

陳設

乾隆十八年議定奏准

先師四配祭品盡仍舊制十二哲東西各加少牢一案兩廡各少

牢三案各香帛一案

先師位前禮神制帛一 白瓷爵三 牛一 羊一 豕一 登

一 簋二 簋二 鉶二 遵十 豆十 尊一

四配每位禮神制帛一 白瓷爵三 羊一 豕一 簋二

簋二 鉶二 遵八 豆八 尊一

十二哲東六位六案西六位六案禮神制帛各一 白瓷爵各

一 東西羊各一 豕各一 簋各一 鉶各一

遵各四 豆各四 東西共尊一

東廡三壇禮神制帛一 銅爵各一 羊三 豕三 尊三

簋各一 簋各一 遵各四 豆各四 西廡三壇亦如之

崇聖祠正位五案每位禮神制帛一 白瓷爵三 羊一 豕

一 簋一 簋一 鉶二 遵八 豆八 尊一

配位每位禮神制帛一 銅爵三 羊一 豕一 簋一 簋

一 盞四 豆四 尊一

兩廡每廡禮神制帛一 銅爵各三 羊一 豕一 簋一
盞一 盞四 豆四 尊一

樂器

金之屬有編鐘有鏞石之屬有編磬絲之屬有琴有瑟竹之屬
有排簫有洞簫有笛有篪有管匏之屬有笙土之屬有塤革之
屬有鼗鼓有楹鼓有足鼓有搏拊有相鼓有鼗鼓有提鼓木之
屬有祝有敔有拍板舞之器有箠有翟引樂之器曰麾引舞之
器曰節

樂章

春祭夾鍾爲宮倍應鍾起調
秋祭南呂爲宮仲呂起調

順治十三年頒國子監文廟大成樂章康熙八年改章名和爲

平稱中和韶樂五十二年改造樂器審定黃鐘之度五十五年
奏准平字樂章通行贊唱雍正二年令闕里司樂選工付太常
演習訂正轉相傳授以達於直省各學乾隆八年照康熙閒准
用平字撰樂譜十二章頒於各學

迎神奏咸平之章

無舞

大哉孔子 先覺先知 與天地參 萬世之師 祥徵麟紱

韻答金絲 日月既揭 乾坤清夷

初獻奏甯平之章

有舞

予懷明德 玉振金聲 生民未有 展也大成 俎豆千古

春秋上丁 清酒既載 其香始升

亞獻奏安平之章

有舞

式禮莫愆 升堂再獻 響協鼗鏞 誠孚罍甌 肅肅雍雍

譽髦斯彥 禮陶樂淑 相觀而善

終獻奏景平之章

有舞

自古在昔 先民有作 皮弁祭菜 於論思樂 惟天牖民
惟聖時若 彝倫攸敘 至今木鐸

徹饌奏咸平之章

無舞

先師有言 祭則受福 四海蠻貊 疇敢不肅 禮成告徹
毋疏無瀆 樂所自生 中原有菽

送神奏咸平之章

無舞

鳧繹戢戢 洙泗洋洋 景行行止 流澤無疆 聿昭祀事
祀事孔明 化我蒸民 育我膠庠

大成殿祝文

乾隆九年頒

惟

先師德隆千古道冠百王揭日月之常行自生民所未有屬文教

昌明之會正禮和樂節之時辟雍鐘鼓咸恪薦於馨香泮水膠

庠益致嚴於邇豆茲當春秋仲祗率彝章肅展微忱聿將祀典以

復聖顏子 宗聖曾子 述聖子思子 亞聖孟子配尚饗

崇聖祠祝文 乾隆九年頒

惟王奕葉鍾祥光開聖緒盛德之後積久彌光凡聲教所覃敷

率循源而溯本宜肅明禋之典用申守土之忱茲屆春秋仲聿修

祀事配以

先賢孔氏 先賢顏氏 先賢曾子 先賢孔氏 先賢孟孫

氏尚饗

重修安徽通志卷八十八

學校志

學宮一

安慶府

安慶府儒學在省治督學察院東舊建於正觀門外元末燬於兵明洪武壬子知府趙好德卽山谷書院創建在府治之東正統中巡撫周忱知府王璜重建廟廡橋門堂齋舍射圃咸備成化壬辰知府陳雲鶚撤學前藥局爲樞星門知府王璠繼之作泮池石梁規制大備成化丁未知府徐傑正德閒知府陶煦張文錦相繼修治嘉靖十年詔增啓聖祠及敬一亭貯六箴碑各縣如之萬厯四年吳孔性重修明末城潰舊制僅存十之四國朝順治八年操江巡撫李日芃知府王廷賓李士楨相繼增修

康熙十一年巡撫靳輔捐俸倡修布政使徐國相按察使佟國

楨安慶知府姚琅教授莊名弼懷甯縣知縣段鼎臣各捐俸重

建殿廡橋門泮宮昭代文明坊悉復舊規靳輔爲之記自四代

而薛雍之典盛尊三老五更則園橋而觀聽者以億萬計增庠

序學舍則雲集而升臯比者至入千士荷歟盛哉然辟雍而外

厥有泮宮其在詩曰思樂泮水薄采其芹蓋儲棟梁而育英才

歷代莫與易焉越我皇上御極之入載化洽政治遠人來庭爰

雅意右文今舉臨雍之典徵衍聖於闕里闡乾元於司成於是負

笈擔簦觀光而戾止者薄海內外僉曰乃聖乃神乃武乃文將

六五帝而四三王亦何有於漢唐伊古作人之典誠莫有盛於

斯者也予於辛亥秋蒞承簡命來撫茲土下車之次循

舊典以謁先師顧瞻廟貌有圯其容爰仰棣題亦隕其輿詢之

郡守與學博則曰茲學創於洪武之紀擴大大於正統之年自茲

以後年遠寢弛周文襄而後蓋未能復臨觀之義云予曰人有

政舉宮牆之事曷可緩乎予因首倡其義而姚守則力肩其事

於是庀材鳩工先以僚屬之捐俸繼以紳士之赴義經營於王

子之冬落成於癸丑之秋凡爲殿爲堂爲廡爲門爲閣爲廡爲

墉者必堅必緻莫不煥然一新繼自今春秋養老飲射讀法於

其中者賢有司之事也考鐘伐鼓橫經論道於其中者嚴師長

之職也歌詩習禮則古昔稱先王周旋揖讓於其中者羣弟子

之業也夫道之在人猶水之在地無地而不有水則無人而不具道凡爾多士既入是禮門由是義路當念人既具道而身又在名教之中即當以天地萬物爲己任以君親師友嚴立身大言敦倫明道致君澤民精而窮理盡性格致誠正高而立德立爲冀黃爲卓魯爲燕許事功亦本之道德微而在下或者舊立說或紹先開後或輔經翼傳文藻亦木之性功古人云通三才曰儒數五教在寬是所望於師儒者書曰既勤垣墉惟其塗堅於此泮宮而始基之矣若日徒勤帖括以爲羔鴈之助博一第以爲身家之謀則攻其未而棄其本精之漓者物必廢諸士其當戒之哉姚郡守復進而請曰學宮成不可以無記也遂援筆而記其事以告來茲是役也贊其議者方伯徐國相觀察使終國植董其成者郡守姚瑛協其謀者郡丞胡靖懷令段鼎臣身其勞者學博莊名弼例得並書至洪武初知府趙好德創建以後及順治間知府李士楨重修以前共爲建爲修者官不一其人及人不一其事或有功於聖賢不可諉也十二年改建啟聖祠則又合掌故者紀其人紀其事於碑陰

於明倫堂後二十一年巡撫徐國相率知府劉樸教授郝毓嶠訓導汪良相修治五十八年知府張楷重修啟聖祠明倫堂六十年重修正殿及兩廡戟門雍正七年知府徐士林教授惲宗

洵重修十一年巡撫徐本以舊崇聖祠在明倫堂後規制未協
改建崇聖祠於前移明倫堂於後又重修正殿增建敬一亭於
戟門外左側添易邊豆銅鐘石磬如式復爲文記之天下郡邑
必有廟以祀先聖先師並追崇其所自出禮莫大焉我
皇上中和建極聖教日躋緝熙光明昭格上下而尤加意賢序
爲天下萬世矜式士之遊於學門者自黨庠術序而下琴瑟鐘
鼓之聲登降揖讓之禮耳濡目染賢才美質知學而足以及開其
心頑鈍之民亦習聞禮義知倫秩所由序矣余於壬子秋承
階揖拜講習如禮慨然以是爲風化之所自起而循視廊廡風
雨剝蝕崇聖一祠居明倫堂之後規制未協夫聖人之道莫大
於定名分而別等威故尊卑上下有分宮室宗廟衣服車旗有
制所以立院爲極而古今莫之能損益也雖豫章曰吾聖人之
道高明廣大固非言語所能形容然而精粗初無二致爲學者
心明乎此然後謂之知學爲政者必通乎此然後謂之知政一
門之建一屏之設形氣之粗而至於精之理焉往而不在于又況
闕乎規制之大者乎故崇聖之建祠自宋大中祥符間以額皆
思孟配享堂上顏路曾皙伯魚從祀兩廡以爲抑父崇子欲別
設一室祀敬聖而以三子配迨明洪武中宋濂解縉始復故其
說而後程謝諸臣相繼闡明之至正統時裴佩條奏文廟位次

謂啟聖已創殿於大成殿西顏曾思孟父皆追封公遷配啟聖殿嘉靖九年大學士張璁請於大成殿後另立一堂是崇聖一祠始居殿西而改立殿後全葬倫而安聖靈人道之極也明倫堂爲師主講習之所宜列崇聖殿後余於癸丑春鳩工庀材後者前之前者後之丹楹刻桷輪奐一新凡帶楯負屨之所視履攸宜至夏之季五閱月而工始竣爲率師生觀其落成高明整飭儀矩森嚴豈直爲觀美而已哉詩曰藹藹王多吉士嬪于天子藹藹王多吉人嬪于庶人余願吾士民之仰觀爲式者由是明諸心修諸身行於父子兄弟夫婦朋友之間而達於君臣上

下人民事物之際各盡其分贊皇猷寔至治以應重熙累洽之風於此蓋有厚記乾隆十七年巡撫張楷知府綸達重修

四十八年布政使奇豐額重修殿祠堂廡地皆鋪甃面石嘉慶

十四年巡撫董教增布政使鄂雲布按察使楊馥巡道楊懋恬

安慶府知府成履恆暨六屬重修教增爲文記之於安慶府治始

齊先生之所督建勉齊朱子高弟其守此郡以朱子之學教於

一方當朱子時有象山永嘉之學雜出爭鳴驚於功利近縱橫

家言卑不足道象山則所謂彌近理而大亂真者至明而陽明

因之支流遂廣近時陽明之餘息而勤學之士又相率而競於

考證訓詁之途自名漢學夫漢儒於暴秦坑儒焚書之後掇拾

遺經於煨燼之中其功誠不可沒而各名師說穿鑿瑣屑較難

限雖亦所不免今將取其遺文臚字輒敢議及程朱甚且加以詆厲爲士人之大患幸當海宇清泰庠序修明之日臨勉齋之舊治願學者一遵程朱之法不高談良知以流入釋氏亦不同以考證訓詁自域其志氣庶無負國家立學養士之意云

治五年署布政使吳坤修知府劉傳祺率六屬官紳重建

崇聖祠 名宦祠 鄉賢祠 忠義孝弟祠 節孝祠

各縣學同

懷甯縣儒學在正觀門內迤東天甯寺故址也舊建於正觀門內依仁坊元末燬於兵明洪武壬子知縣閻節徙建於忠節坊有學無廟正統戊午御史李存翼按郡始議立廟邑士高冲成之正統丙寅巡撫周忱拓其地正德辛未提學御史黃如金易天甯寺地改建卽今址萬厯庚戌廟災知縣劉拱辰重建後學地爲民居所侵天啟壬戌推官常自裕知縣趙參請於巡按御史林一桂清還舊基大加創建明末燬

國朝順治三年知縣賈壯訓導程一桂黃雲會重建十三年知府

李士楨知縣周霖次第修治十八年教諭成梁建大觀閣於東

偏祀文昌康熙七年知縣馬剛教諭王雲龍重建殿廡二十年

教諭楊渭英捐建講學堂提學田雯額堂曰經義亭曰問字二

十三年舊志作十三年教諭夏乾御訓導陸定國偕生員呈於

巡撫徐國相捐俸修理知府劉雲舊志作劉樞重建應沙閣案

山圍牆張英爲之記澤宮者教化之本山川者毓秀之源凡郡

司牧者陶淑膠庠澤之詩書風之禮樂故能萃川岳之精以人

合天而祇祥叶應非偶然也郡伯劉公自戊午削竹專城宏濟

時艱斟酌元氣政簡刑清多歷年所以土習爲民風之倡也進

皖之士而課之以文敦之以行取皖郡庠之祀者葺之邑庠之

敝者更之公之爲學校謀詳且至矣乃猶念皖之爲郡龍山枕

其後大江襟其前宜鍾靈者指不勝屈顧鼎革以來科名遜昔

所亦培養者之尚有所缺乎偶覽郡志乃知懷庠建於有明有

者應傳首唱嗣是魏科接武自乙酉蕩爲劫灰廢址空存何以

而告竣又清理案山舊址周遭左右置牆百二十餘丈巍然翼

雖休徵瑞兆亦往往有不可待者今公之勛士其業則詩書羽
其旨則仁義道德而復崇其廟其閣鞏固其垣墉則澤宮
之化日廣山川之氣倍靈從此應斯護而起者孰非我公振二
陳作養有以致之哉皖人士日頌公德且與茲閣共不朽矣二
十五年巡撫薛柱斗親履縣學審視捐俸增修建木坊二於學
前通衢三十七年邑人洪桂宇捐修泮池於櫺星門外四十四
年至四十九年知縣張懋誠節年修葺五十年巡撫李成龍按
察使朱作品知府張楷重修雍正七年教諭謝有輝增建兩廡
併首創祭器八年復同訓導文楫知縣詹宜輪謀辦樂器九年
知府徐士林知縣李元祥捐置如制併置經書律例立印冊存
學嘉慶四年邑生員劉夢元等稟請巡撫荆道乾清理學基道
光元年閭邑重修學宮移應沙閣於前一丈二尺知縣陶沅捐
俸助工並改鑿泮池深闊倍於舊制五年知縣王毓芳將櫺星
門移前二丈並立金聲玉振二坊同治元年總督曾國藩檄修

桐城縣儒學舊在桐溪橋東宋元祐初知縣溫子謙武子春相繼建立後燬於兵明洪武初知縣翟那海遷於縣治東南佑文坊後知縣孔希善嚴頤陳勉相繼修葺

國朝順治十二年知縣石朋教諭沙衍中訓導解詵重修康熙八年儀門櫺星門圯知縣胡必選捐俸建造二十二年知縣王凝命教諭王立極訓導邱五典重修明倫堂建存存堂雍正七年知縣倪大成率邑紳士捐修正殿及堂廡咸豐元年邑紳馬樹章等重修明倫堂三年學燬同治五年知縣李蔚率邑人重建潛山縣儒學在縣治東明洪武初知縣張仁創建成化間知縣袁慶祥修嘉靖後知縣高廷紳鄒守王玉汝先後修葺明季燬於兵

國朝順治十年知縣鄭通元教諭潘煜如訓導李思伯重修十六

年訓導蕭汝榮建造啟聖祠康熙九年知縣周克友建明倫堂
十五年重修正殿十六年教諭程式琦訓導王仁灝捐修儀門
櫺星門十九年知縣劉芳輝建義學於明倫堂後五十八年知
府張楷知縣段舒捐修正殿潯泮池建德侔天地道冠古今二
坊左建奎星樓右建文明樓雍正八年知府徐士林知縣沈夢
桂捐修殿廡乾隆四年知縣魏其瑣建名宦鄉賢忠節三祠三
十二年知縣安清翰改建崇聖祠於明倫堂北四十二年知縣
李載陽教諭韓又琦訓導涂逢豫倡修宮牆道光二十一年知
縣彭澤教諭沈培訓導鄭際昌倡建尊經閣咸豐初學燬同治
二年知縣陳泳建復崇聖祠五年知縣趙志和教諭黃廣嗣倡
建殿廡祠坊及明倫堂一律如制

太湖縣儒學在縣治西元末燬於兵明洪武三年復建尋燬知

縣章通再建宣德間知縣鄧泰成化間知縣許英宏治間知縣
李承勛趙繼宗正德間知縣楊海張癸石淵之同知林有祿通
判何景暘次第修葺嘉靖癸丑知府李遜同知郭璽知縣羅汝
芳教諭傅啟仁訓導張滂熊清以圯甚改建嗣知縣王嘉賓臧
惟一增葺之隆慶間知縣詹貞吉蕭復陽重修天啟甲午知縣
陳贊化復修明末燬於兵

國朝順治六年知縣李世治重建正殿十五年知縣王廷舉建明
倫堂十八年知縣鄒應錫重修捐建啟聖祠及兩廡康熙十一
年知縣王崇曾訓導葉惺心建奎星樓十六年知縣方人龍改
建兩廡及櫺星門二十二年知縣章時化改建啟聖祠二十六
年知縣王廷倡捐重修明倫堂兩齋廊舍四十八年教諭錢源
肇清理學基五十年建講堂尊經閣文明坊萬仞宮牆雍正七

重修縣志卷之十一
年知縣黃翠南教諭程有則訓導王維屏倡修署縣事黃鶴鳴繼之乾隆五年知縣朱辰倡捐重修廟殿門廡十五年知縣潘世仁徙建奎宿樓署縣事孟浩踵成之三十二年知縣胡國濱四十年知縣許琦嘉慶十二年知縣邱文熙道光九年知縣孫濟教諭方士鼎十四年知縣李鴻鈞率紳相繼修葺咸豐初學燬同治七年知縣文翰倡捐重建

宿松縣儒學在縣治東南元縣尹戴昌建明正統閒知縣謝驥重建嗣後知縣孫衍顏敏施溥推官王孫昌知縣楊之屏相繼修葺

國朝順治三年知縣孟瑄十一年知縣孫繼文康熙二年後知縣王民暉朱維高朱卷雍正八年知縣劉泰嘉慶八年知縣陸費磐先後重修咸豐初學燬同治七年重建

望江縣儒學在縣治北舊建於縣北崇甯坊宋季學隨縣遷江南之香口元初學燬至元閒縣尹元榮卽故址立賢宮大德閒始有兩廡皇慶二年陳天民與縣尹劉榮祖建講堂天民爲文

記之

王化自北而南修文學以風天下崇儒雅以倡士氣復舊

由是郡邑教化之宮與昔比隆矣雷川縣故有學燼於兵火假

宮藏

江元天開闢諸賢網維斯道前尹張公魯瞻以先聖遺象

巍然

獨存於烈燄之餘深歎其異遂載以歸後元公榮爰卽舊

址起

立賢舍行釋奠禮至元辛巳正室成大德丙午始建東西

廡及

門眾士經營壘葺還舊觀百爾器具以次咸興獨講堂

則有

所未暇焉皇慶二年春天民承乏來茲便圖撤舊而新之

爰咨

爰度鳩材徵工卜日鼎構土木之費浩繁學租之入用度

不足

方開宗贊議以補其不逮協力以助其不給用底厥成羣

儒之

功爲多學介縣治北大江橫其南雷江直其東昔傳沙塞

雷江

口狀元從此有縣佳謨也至是一夕沙洲忽生與賢之明

詔正

頌開先之符肇見文明之運適當爲多士賀也先是田租

歲入

名存實亡於是始理疆畝敷歛弊邑賢大夫壓福達勢劉

榮祖

簿正崇雅崇風化正公議奸黠欺負之徒莫逃於明鑑工

既訖

則學宮之制備學田之疆域復邑賢大夫俾記其事且刊

田之

疆域於碑陰庶幾來者有稽賢宰之美亦藉以傳遂爲銘

曰孔

聖之道百王所宗國都郡邑孰非王宮聖道彌光大成益

封春日桃李化雨文風雷江之旁翼翼宮牆有相之道歸然顯
光藏修有地講讀有堂多士游歌濟濟洋洋棟宇恢恢遠矣成
規誰毀來者至元間縣尹彭宗復教諭李翔至正七年縣尹程
尙其葺之宗傑相繼修葺元末燬於兵明洪武間知縣徐煥重建宣德宏
治間教諭陳遵張夔先後增擴嘉靖初同知魏文象知縣余紘
更造堂齋後知縣朱軾孫琦楊廷薦等復葺之

國朝順治六年知縣王世寅重建明倫堂及兩廡櫺星門十四年
知縣王澤隆教諭姚見龍更建堂祠康熙元年教諭談志建觀
德亭修文昌閣九年訓導方至樸復加修葺二十一年知縣伊
巖重修明倫堂五十三年知縣馬駿建魁星閣於明倫堂後六
十年教諭陸英建更衣亭置宰牲所乾隆嘉慶間時加修葺道
光二十年邑紳何俊倡捐一律重建

徽州府

徽州府儒學唐及宋初皆在城東北隅太平興國三年知府事
蘇德祥遷羅城東門內烏聊山上嘉祐四年以山高地狹遷於
南園熙寧四年復遷烏聊山元祐初再遷南園所謂南園者卽
南門後爲紫陽書院者也紹聖二年復遷東北隅故址紹興十
二年知州汪藻增建左廟右學德祐開兵廢元至元十五年復
後燬明洪武三年重建堂齋廟廡橋門射圃悉備正統八年御
史徐郁命同知徐亨增新之知府孫遇畢其役成化閒提學御
史陳選婁謙先後檄府修建莊景爲之記徽州府學故不治蓮
塘婁先生以御史奉
命提學南畿至則歎曰此吾朱夫子之鄉也而是學乃不治哉
於是郡之守貳莫不鼓舞振作庀材鳩工以後爲戒而奔走執
役之人亦皆晨夜展力不以倦告不數月而徽學大治且爲南
畿諸學之冠定山莊景論於眾曰蓮塘之所以汲汲是學者豈
止於徽哉將以汲汲於天下之學也夫以朱子之鄉止於徽則
天下之學所當治者皆古聖賢之地而必孔子之魯孟子之鄒
濂溪之春陵二程之河南以及夫是徽而已天下無古聖賢者
其學皆不治也而可哉蓋曰有孔子則堯舜禹湯文武之道益

大有朱子則濂溪二程之道益明是孔子朱子者天下斯文之主
 以不出其鄉而師之曰朱子之鄉則孔子朱子者天下斯文之主
 故鄉之人則必談笑而喜其不然者必非故鄉之人也居吾人
 廣生之中有談聖賢人者其鄉之人必曰此豈爾所知哉吾知
 其詳吾里相近而居相接也雖然朱子亦豈可以概學哉朱子一
 必學朱子吾逆塘之意也雖然朱子亦豈可以概學哉朱子一
 也有古之朱子吾之朱子蓮塘之所以告人者古之朱子乎
 抑吾之朱子乎古之朱子聖賢之影響紙上之成迹而吾之朱
 子無他吾心之本體吾之朱子也吾心之神明吾之朱子也居
 吾敬以立其本窮吾理以致其知精以察之一以守之則吾之
 所以參天地者此吾之所以繼往聖而立人極者亦此所謂朱
 子者在而我而不在古朱子之後又一朱子矣蓮塘不棄予每與
 論學況夫微之豪傑出聖賢之鄉者哉或曰學朱子而不學孔
 子何也曰以微人言故謂之朱子朱子學孔子者學朱子乃所
 以學孔子也孔子者自然之朱子朱子者勉然之孔子學朱子
 者將止於宏治開知府彭澤增創號舍嘉靖十年制增啟聖祠
 朱子哉

並建敬一亭貯六箴碑各縣如之

國朝康熙三年知府蔺一元教授張霖職官表重建並修尊經閣

師儒等舍九年知府曹鼎望修戟門十二年知府張登舉徵甯

道王緒祖重修正殿五十四年歛縣項憲捐資重建明倫堂兩
廡及儀門其子項綱畢其役雍正三年學宮前東南鄒魯石坊
毀於暴風項綱子道暉又捐資重建十年教授儲郁文重修崇
聖祠鄉賢祠及櫺星門各處柵欄歛縣徐景京徐璟慶重建名
宦祠十一年項道暉又重修正殿尊經閣文公祠及內外牆垣
甬道

崇聖祠 名宦祠 鄉賢祠 忠義孝弟祠 節孝祠

各縣學同

歛縣儒學在縣治東問政山麓宋初附郭不置學淳祐閒郡守
謝堂始建元初戍兵撤毀教諭呂泰初等相繼興復至大三年
縣尹宋節葺之明初知縣張齊因故址重建大學士宋濂有記
洪武三年增修正統閒知縣孫遇高年撤新之知縣裴從善竣
其事規制已具而前偏民居景泰閒教諭羅鉉復購地廣之成

化閒知府周正復加修建嘉靖末知縣謝廷傑天啟閒知縣戴東閔崇禎閒知縣葉高標踵修

國朝順治十年知縣宋希肅教諭胡爾俊十三年教諭王昕重修康熙四年署縣事府同知聶煒知縣呂應瑞重建明倫堂十一年正殿圯徽甯道呂正音知府曹鼎望同知高暉通判鄧翼明知縣孫繼佳教諭吉天助捐俸重建三十六年知縣鄭元綬修雍正十年教諭錢敬勸修邑人徐景京徐璟慶捐修乾隆五年邑人徐璟慶十六年邑人徐士修三十五年知縣張佩芳相繼修葺殿廡及明倫堂五十二年邑人布經歷項志瀛重建嘉慶十九年邑人員外郎鮑均重修崇聖名宦鄉賢三祠休甯縣儒學在縣治南宋慶厯閒始建於東街紹興六年縣尉陳之茂徙建於南門之左即今地郡守洪适爲之記淳熙五年

主簿傅本修紹熙五年縣令鄒補之重修明倫堂嘉定六年縣令張忞嘉熙三年縣令吳遂復修端明殿學士邑人程秘重建正殿元至元二十九年邑人朱震雷捐修大德五年又獨建文公祠至正五年縣尹唐棟一律重建十一年燬惟明倫堂獨存明洪武二年重建殿廡四年知縣杜貫道修景泰三年通判金真造泮宮橋成化六年易普滿寺地作明倫堂十七年知縣俞深重修殿廡建兩齋及鄉賢祠宏治十年十一年知縣李煜復購寺地重建明倫堂及築垣牆十三年知縣翟敬建門屋砌月臺周圍築牆正統六年知縣唐勳捐資購地拓廣學基十二年知府張芹出商符鈔金盡購寺地入學知縣王迴沈圻相繼修治名宦鄉賢程朱二祠及號舍亦以次繕葺嘉靖三十三年知縣林騰蛟重修并建學前文峰四十二年知府胡孝新建尊經

閻萬歷四年建遺教祠五年知縣程正謨重建尊經閣十二年知縣丁應泰重修明倫堂三十三年知縣李喬岱一律重修三十九年知縣施天德移建學門天啟三年知縣侯安國邑舉人查應光重修并建文昌閣崇禎初教官袁應兆倡建魁星樓十三年知縣左其人訓導王化醅梅懋修倡捐重修

國朝順治八年知縣翁人龍重修十年知縣張天成教諭米衮拓泮宮移學門於泮池南康熙元年知縣傅維模訓導謝起秀捐修啟聖祠尊經閣石闌明倫堂程朱祠及泮池禮樂器房十四年邑監生程子謙十六年兵備道王緒祖知府張登舉知縣管仲連一律重修十七年復青雲門舊制三十年知府廖騰燧四十七年知縣張韜相繼修葺五十二年教諭朱大復訓導錢淮建魁星樓雍正十年邑人黃治安重修乾隆六年知縣高廷獻

修明倫堂八年修魁星樓二十七年至五十四年邑人汪士煌
汪滋晚李雲燦汪廷昉吳昌齡胡泰障葉永清胡應榛等相繼
修建嘉慶二年邑人汪秩汪穰汪穀汪瑗重修劉啟倫營建明
倫堂五年邑人劉啟倫吳昌齡程濂丁俊倡捐通修重建正殿
咸豐初學燬同治八年邑人程仁鏡邵椿茂捐修節孝祠九年
修復正殿兩廡櫺星戟門

婺源縣儒學在縣治西宋慶厯間創建於縣東熙甯三年縣令

劉定遷於縣治西乾道四年縣令彭烜再遷於縣東又建藏書

閣大中大夫洪邁爲之記江南俗不歸於訟歛浪受其名婺源人重不幸至席鼎湯最沸之目縣人

翰林汪公藻吏部朱公松文章行誼表表獨立不忍視鄉曲業

惡聲顧而之他鄉紛閔焉諸生時相與言學宮在西邊九十

五年寢入於壞地勢黯昧青衿不能羣居陰陽家流雜指山鄉

背爲不甃當徙而趨新土大夫滋益多謠諑宜革是時乾道歲

戊子令彭君烜曰嘻吾責也將安所易置乎曰吉莫如城東驛

倘費領城大喜儒生王允恭李知己並捐其旁便近地倡出錢
粟諸公喜趨之即其冬廟殿及藏書閣成垂就矣會郡守好惡
異疑縣特以計科歛民書揭邀勸章至換他健吏耳目鉤許亡
一詞始博賴愧悔聽成之然首議者倦矣謝工遣徒仆木墩
瓦丞尉亦愆艾噤不敢復發口獨毀閣樓棘籬中不敢望之
學縣令既羣謀而自辦之靳尼其成安敢此即出郡錢六十萬
使訖役既羣而蘇既樓而仲民又益喜勇勸視曩時加倍有頃
百室之宮成靛深廣時不畜於素邁者心開目明無閑處者於
是雋秀士滕生恪以詞告都陽洪邁曰願有以記之庠序之制既
已接柏君又宗盟長其何辭今之學非古之塾也庠序之制既
以精柏君又宗盟長其何辭今之學非古之塾也庠序之制既
理盡性之要正心誠意之傳絲絲延延以方外致知格物之本窮
忍一簣之姑息舉扶而易之季路臨大難正冠結纓曾子且死不
殊泗工尹商陽手弓而殺之掩目止御不忘有禮死生之變爭
戰之急亦大矣而歸趣如此況乎從容進退罷掃寢食之閒哉
少成若非天性習慣如自然古之人歟其天資高明後世雖不可
跛即向非輔之以學問士必不能不教其天資高明後世雖不可
不素養士而望其必然斯為棄士宜國家拳拳致力立學徧民
內臨之官師而不容釋也嗚呼事難興而職教化者顧歷四年閏
開先部使者俾其地縣大夫慈為之而職教化者顧歷四年閏
兩令始克潰於成故予詰曲登載驗其至難後之君子朝夕游
於斯尚思先王之所以教古人之所以行朝廷之君子朝夕游
酒之所以急刊其春華以既秋實窮高極深暴白成就使遠近

稱頌曰發源又有人若是乃朱子藏書閣記

道之在天下其實

行於君臣父子兄弟夫婦朋友之間其文出於聖人之手而在

於易詩書禮樂春秋孔孟氏之籍本末相須人言相發皆不可

以一旦而廢焉者也蓋天理民彝自然之物則其大倫大法之

所在固有而不依文字而立者然古之聖人欲明是道於天下而

垂之萬世則其精微曲折之理非託於文字亦不能以自傳也

故自伏羲神農列聖繼作至於孔子然後所以垂世立教之具

粲然大備天下後世之人自非生知之聖則必由是以窮其理

然後知有所至而力行之也以終之固未有飽食安坐無所歎為而

忽然知之兀然得之者也故傳說之告高宗曰學于古訓乃有

獲而孔子之教人亦曰好古敏以求之是則君子所以為學致

道之方其亦可知也已然自古自秦漢以來士之過之者則速絕學

記誦剽掠為功而不及乎窮理修身之要其域不同而於古人

捐書相與馳驚乎荒虛浮誕之域蓋二者之域不同而於古人

之意則霄壤之矣嗚呼道之折以不明不行其域不同而於古人

宮講堂之上有屋焉榜曰藏書而未有以藏蕭田林侯處知縣

事始出其所寶太帝神筆石經若干卷以填之而又益廣市書

凡千四百餘卷列皮其上俾肄業者得以講教而誦習焉熹故

邑人而客於閩茲以事歸而拜於其學則林侯已去而踵門請

矣學者猶指其書以相語感歎久之弟願學者眾而病未如所以

盡記其事且曰比年以來鄉人子弟願學者眾而病未如所以

學也子誠未忘先人之國獨不能因是而一言以曉之哉熹起

對曰必欲記賢大夫之績以詔後學垂方來則有邑之先生君

直參之故自

學宮

改州府

子在熹無所辱命顧父兄子弟之言又熹之所不忍辭者其敢不教而諾諸於是竊記所聞如此以告鄉人之願學者知讀書求道之不可已而盡心焉以善其身齊其家而及於鄉達嘉定之天下傳之後世且以信林侯之德於無窮也是爲記云嘉定十五年火縣令朱復之改建於西湖上紹定四年火端平元年縣令許應龍復遷於縣西舊址卽今地邑人胡熨竭力成之元延祐元年又火達魯噶齊廉壽山海涯重建至正十二年燬於兵明洪武初知州白謙因故址重建四年知縣陳維姜修建殿廡門堂並建射圃正統三年知縣陳斌撤而新之天順五年知縣張暄成化三年知縣韓儼十年知縣陳金十四年知縣丁佑教諭陳簡相繼修繕宏治三年火提學御史王鑑之檄知縣常濟勸輸修建九年又火十年知縣喬恕重建知縣聶瑄踵成之嘉靖八年災九年知縣曾忭重建並拓地立照牆知縣周如砥畢其役十一年壬辰建啟聖祠三十九年知縣張楨建巍科高

第二坊四十三年縣丞胡邦耀主簿詹翔鸞修明倫堂萬厯元年知縣吳官更造殿廡啟聖祠六年知縣趙崇善重修明倫堂二十九年知縣趙昌期建尊經閣四十五年知縣馮時閏青雲路崇禎三年知縣金蘭教諭毛湛重修明倫堂五年知縣劉潛復塞青雲路

國朝順治九年知縣馬元訓導金注重修十年推官胡希聖修建啟聖祠十一年知縣張宏美教諭翟皓重修十五年訓導吳煥然增修康熙二十九年知縣張廷元重修殿廡三十一年署縣事蔣燦五十二年邑人汪應熊等重修明倫堂五十八年知縣寶祖禹重修殿廡雍正二年邑人程寅程宇捐修崇聖祠乾隆九年邑人王文德重修明倫堂十年修尊經閣工部尙書汪由敦爲之記二十三年知縣胡玉瑚重修二十三年邑人公翰修

建殿堂祠解三十四年邑人程文遴程文達重修崇聖祠五十年邑人董昌璵修造圍牆五十八年邑人程應鵬後裔修尊經閣嘉慶二年邑人捐建天香亭六年邑人程文述捐修明倫堂七年建文昌廟於崇聖祠左咸豐初學燬同治五年重建

祁門縣儒學在縣治西南宋端拱中縣令張式始建於縣治南建炎中燬於兵紹興淳熙間縣令張益復修縣令陳宗翰劉邦翰胡坦相繼修葺嘉定二年縣令林士謙起建正殿元移建西南卽今地至正時燬於兵明洪武初知縣鍾友諒因故址重建殿堂門廡齋宇倉庖繚以周垣永樂七年大水圯知縣路達修葺嗣任知縣顧均得等捐俸拓地結石爲牆成化宏治間再燬再修正德中巡按御史鄺約命知縣康世臣拓地而大之嘉靖天啟閒歷有修舉

國朝順治十五年知縣陳法教諭張季琪重修廟廡學舍櫺星門
泮池康熙十二年知縣何縉訓導周祚光重修十九年教諭吳
人龍加葺道光八年一律重修同治四年知縣蔡鍾率邑人重
修正殿崇聖祠明倫堂

縣儒學在縣治南宋初建淳熙十六年縣令葉崧修慶元初
主簿袁孚重建正殿端平初縣令舒泳之重建三門置文公祠
於門內元元貞元年縣尹劉德重建兩廡至大四年縣尹皇甫
荏構講堂至正十二年燬於兵明初重建殿廡門堂制度大備
永樂十五年主簿甘宗連修明倫堂宣德八年教諭羅宏修殿
廡正統六年知縣胡拱辰景泰三年通判金真知縣葉斌教諭
竺宴捐金修葺宏治初知縣吳一貫修櫺星門易木以石六年
知縣陳信建饌堂十六年知縣張偉修葺通判陳理拓基以鑿

泮池正德九年巡按御史吳鉞以地形卑窳屢修屢壞乃相地得縣治西北之天尊觀屬知府熊桂遷建並易民地以廣之知縣何亦尹主其役知縣劉文劉佐陳九疇繼成之嘉靖四十二年知縣謝建傑因縣南舊基改創碧陽書院萬厯二十九年諸生以舊學阯靈秀甲邑遂議遷改而書院復爲學宮崇禎九年仍遷觀地

國朝康熙九年知縣杜宏重修十三年燬知縣蘭佳選教諭尤何等重修三十年署知縣曹貞吉修葺正殿及明倫堂雍正八年教諭林燾訓導丁燿重修兩廡乾隆十七年知縣陳佃儀以城南舊學山環水聚復遷城南舊地卽今阯大加修建殿廡階阼規模畢備同治初知縣謝永泰重建明倫堂餘皆邑人次第修葺

績溪縣儒學在縣治西冠山之麓宋初建於縣治東紹興二十五年縣令滕廣增建堂舍淳熙六年縣令張傑建兩廡三門講堂直舍嘉定中縣令王杓再開地重建直舍三閒縣令趙時份胡嚴肖俞任重相繼增修殿廡端平元年縣令李遇就舊基鼎新祠宇元至元十三年燬於兵學基爲軍營所據遂遷於縣治西卽今址二十七年火尋創屋數閒規制狹隘至大元年縣尹張綱重建廟堂門廡齋舍延祐五年縣尹劉亨晉元統二年縣尹劉士毅重修至正八年聖裔孔文學爲縣尹捐資闢兩楹明洪武五年知縣蔡美增建明倫堂兩序兩廡櫺星門射圃規制悉備正統十三年知府孫遇以學址狹隘檄知縣劉志購地增修天順元年主簿黃俊重修殿廡泮橋甃以石成化元年縣丞臧昶修櫺星門易以石柱八年同知黃用宣闢地改建明倫堂

十四年知縣吳珏移建射圃於學後之西山宏治十年知縣高梁胡漢相繼建泮池石橋正德元年知府何散知縣王育英七年教諭敖鉞更新之嘉靖十六年教諭徐鑑重修明倫堂啟聖祠遷敬一亭於廟左三十九年邑人少保胡宗憲捐資重遷學址知縣林應雷重構浴沂亭四十四年教諭周光重修殿廡萬曆六年知縣陳嘉策重修八年移典史廨以其地爲儒學甬道大門

國朝順治八年知縣郭四維重修正殿十五年知縣李之華修明倫堂康熙十年知縣劉滋重建正殿三十六年邑人章遠汪若金等捐修雍正九年教諭楊顯忠重葺殿廡乾隆四十二年知縣孫銀槎倡議重建四十八年知縣張邦桓勸輸興修殿臺門廡俱加增飾又重濬泮池修泮官坊及石橋圍牆櫺星門嘉慶

九年程鶴年重修戟門及東西圍牆同治九年一律修治

重修安徽通志卷八十九

學校志

學宮二

甯國府

甯國府儒學在府治東南舊在府治東宋崇甯二年李彥卿移於城內建炎三年仍復舊址紹興十年知軍州事汪伯彥更徙而東面文脊峯淳熙嘉定閒歷加修葺元總管陳大中改建至正乙未燬於兵明洪武初知府黃榮祖徙建今地正統年知府袁旭因其圯撤而新之明倫堂東西分列四齋廟廡橋門諸制悉備復造學門於廟東御書樓於堂北嘉靖十年制增啟聖祠並建敬一亭貯六箴碑各縣如之萬厯後知府陳俊李國觀蕭良譽金勵相繼修葺崇禎時知府黃夢松重建明倫堂知府周

光夏重修十五年推官唐階泰修

國朝順治六年知府管起鳳重修康熙九年知府莊泰宏大加修葺十九年知府王國柱捐俸修理教授徐馮訓導姚士重董其事四十年知府佟鸚彩許廷試相繼繕葺五十年知府佟賦偉復修乾隆五年涇人建甯府同知吳最修殿祠堂舍三十五年知府狄咏篪重修五十二年署知府王湖倡修廟學嘉慶七年涇縣黃田朱武勳朱彩一律增修咸豐初學燬同治六年涇縣朱宗潘捐資重建

崇聖祠 名宦祠 鄉賢祠 忠義孝弟祠 節孝祠

各縣學同

宣城縣儒學在府治西南宋元時在城東南明洪武三年知縣王文質徙建太和門內九年知縣邢知遠改建縣治西宣德二年知縣蕭吉重修正統七年知府袁旭遷建今地景泰四年知

府葉錫拓而修之嘉靖二十六年知縣蕭綸二十五年知縣姜倣四十二年知府羅汝芳隆慶三年知府王嘉賓萬曆二年知府姜奇方相繼重修十四年知縣詹事講陳公相建學前來城以補巽維正面

國朝順治六年知縣陳正中王同春相繼修葺康熙十二年廟圯十六年知府莊泰宏知縣李文敏教諭徐化民倡捐重建工未竟二十一年知縣袁朝選教諭陸志遇訓導錢邦達捐俸踵成之五十五年知府佟賦偉復修乾隆二年知縣吳飛九三十四年知縣謝其炳嘉慶元年知縣胡鵬雲嚴克任相繼重修

涇縣學在縣治北卽大安寺故址初在縣治南南唐保大四年

徐知證鎮宣城推官吳光輔兼理涇縣創建知制誥徐鉉爲之

記昔夫子祖述堯舜憲章文武扶東周於已絕拯蒼生於既墜其迹屈而道逾大其人窮而教逾遠則生民以來未之有也

其在祀典法施於人則祀之矧褒聖之祀其可忽乎然而中人
不足以語上下士聞道而大笑故斯教也衰於戰國廢於嬴秦
漢魏以降絕而復續夫仲尼日月重昏千祀非聖人孰能廓之
故斯教也興於武德盛於貞觀極於開元理自然也兵興以來
大化湮替先生禮器傾頽於勝廣之門闕里諸生棲惶於絳灌
之下別厥祠宇其存幾何天之愛民不當墜絕皇統再造六藝
始修太歲丙午重熙在運宣城雄鎮帝之叔父在焉故幕府之
選殊重尚書郎吳君光輔奉詔佐廉部兼理於涇既蒞事乃被
儒服謁先師闕荆榛歷坵垣以造於茅茨之間仰瞻俯觀喟然
而歎於是奉開元之成制采泮宮之舊章經之問仰瞻俯觀喟然
維新祕殿嚴飭梓容入室升堂森然如在蓮豆有位賓從由序
繙紳成列門衛肅然於是青衿雩服之子有從師觀藝之場鯨
齒鮪昔之徒識養老慈幼之節欣欣然其化之大者歟越明年
秋君奉計如京師因得其真鳴呼聖人在上羣賢舉舉使三代
之風達於邑里不其偉哉余承君之歡歎美君之志刊石紀事
宣於祠庭後之君子無忘跋及其餘理版籍祭典獄關汚萊過
陂塘則有考功朱咸平嘉祐閒兩圮於水熙甯三年縣令陳惇
夫重建後燬於兵隆興元年縣令錢惜復建淳熙六年縣令汪
行中徙建今所嘉定三年縣令王标大爲修葺規制始備又燬
於兵寺僧遂侵據其地元至元二十六年縣尹施正大教諭賀

柱孫力復故趾縣尹朱文魁成之延祐五年縣尹蘇濟重修天
厯二年縣尹馬晉撤而新之復燬於兵明永樂十年知縣薛蕙
重建正統初提學御史彭最檄修未竣知府袁旭率屬竟其工
成化六年知縣強珍修十一年縣丞王濬重葺宏治二年提學
御史王鑑之知府范吉屬知縣吳應麒重建正殿六年知縣包
義民成之正德十年通判署縣事林康修嘉靖二十四年提學
御史馮應馭屬知府尹宇知縣葉祥重修武進唐順之記萬厯
六年知縣李日文復建十三年知縣張堯文崇禎人年知縣尹
民興重修燬於兵

國朝順治九年教諭施化遠勸捐重建十六年知縣劉鴻磐教諭
汪伯位訓導丁允齡修康熙八年圯於水九年知縣侯世淮重
修十八年知縣鄧琪棊捐修明倫堂二十一年知縣蔣雲翼教

諭楊言書訓導汪榮重建正殿二十七年知縣王成舉教諭曹
於京訓導鍾瑄重修大成門五十四年知縣章鼎四後裔重建
大成門五十七年又圯於水庠生趙鳴皋倡捐修整廩生翟尙
鐘重建兩廡青陽吳襄記雍正初圯於水翟尙鐘子思旺思曉
復修十三年貢生王家棟一律重新金壇王步青爲之記

伊古帝王

崇儒重道自漢高駕詣曲阜一切禮文隆隆直上至我朝
封及五代晉王爵尤屬曠古所未有凡巋宮之在郡縣者雖山
陬小邑靡不恢宏其制高甍巨棟金碧丹黃用昭展敬典至渥
也而其中歲月浸深偶疏修葺亦或得諸閒有除大興築支帑
外則顧紳士之樂善好施以濟所不逮焉若吾宗中城兵馬司
指探家棟固其一也家棟籍隸甯郡之涇縣與予爲伯仲行予
晤諸京師晨夕往來無閒語及令先尊遺訓其孫謀燕翼一本
聖門至教爲兢兢凡事有關於學校者輒毅然引爲己任維時
涇邑文廟恰值頽頽述進家棟而命之曰重新廟貌吾素志也
余老矣未之舉行成吾志者其在汝乎棟承命弗敢怠違於是
命匠石選良材楹棟去其敗腐者瓦石去其磽确者規制無改
於昔輪奐則已從新工始於乙卯七月告歲於丙辰三月其費
緡一千五百有零從先志也夫善始者不必善承善教者貴能
繼志設若考作室厥子弗克肯堂縱盛蹟豐功亦委諸草莽其

足發人深嗜者何限故惟作述一心者爲難而世且有僨犁破
轅之子身捷厚資聲色貨利恣情揮霍父則錮鉢積之子則泥
沙棄之獨於功德所在名教所關略不措意此其人更出守錢
虜下閭家林斯舉其面赤顏頰不可爲人者可勝數哉雖廢與
成毀相循無窮今之丹青藻繪者後或仍不免於摧殘蠹蝕則
後將更有賴於後人而現前之遵父訓殫辛勤出重貲以獨肩
義舉此固吾宗之傑士閭邑之所仰賴亦先聖先師乾隆三十
之所默鑒者也是不可以無記爰綜其事以勒諸珉乾隆三十
六年翟尙鑰孫大程大本重修兩廡三十七年章鼎四後裔章
鎮邦重修儒學門四十年貢生馬元勝一律重修道光年間知
縣徐琳邑人趙翟章馬張鄭各姓相繼修葺咸豐初兵燬同治
六年重建

南陵縣儒學在縣治東卽崇教寺舊址初在縣治南宋紹興間
遷縣東南元季燬明洪武四年知縣甘潤教諭劉子潛重建嘉
靖四十年改建縣東未及修葺四十四年知縣羅汝芳邵永春
終其事萬曆四年知縣林鳴盛復修增建尊經閣及號舍十一

年知縣沈堯中移建廟殿於南四丈崇禎閒知縣杜繩甲教諭
金之鑛訓導姜志峻張駿業同建金聲玉振江漢秋陽二坊
國朝順治十年知縣楊必達重修康熙十八年知縣屈升瀛教諭
顧芳菁訓導張肅建中大成坊修左右兩坊築萬仞宮牆二十
一年知縣杜源教諭顧芳菁訓導徐鍾麟重修尊經閣雍正三
年知縣宋廷佐教諭章克長訓導童昊重建邑人劉沆等董其
成規制一新乾隆三十九年知縣陳梅同邑紳捐資重修嘉慶
元年知縣左輔勸諭紳士分任修理同治六年一律重修其大
成坊明倫堂尊經閣尙未如制

甯國縣儒學在縣西門外宋初學在縣東南夫子巷紹興閒徙
東門外明洪武十五年知縣鄭承事改建今地正統閒知府袁
旭知縣劉清增拓之宏治閒知縣孫珍徙明倫堂於正殿西嘉

靖十四年知縣沙奇訓導樊玘與邑紳袁澤捐鑿泮池祭酒鄒守益有記

國朝康熙十八年知縣馬光建尊經閣二十年知縣陳王策捐俸重修四十八年同知郭威釗署縣事捐俸增修雍正乾隆年間廩貢生胡夢麟胡夢周等遞加修繕乾隆四十五年胡曾琦後裔重修嘉慶元年知縣蔡儒亮教諭裴銓訓道諸自穀倡修四年訓導曹煥續成之

旌德縣儒學在縣治東宋初在縣東尉廨崇甯元年縣令嚴適建宣和間燬於兵紹興十三年縣令趙伯傑徙建東移十步乾道初縣令齊慶胄拓之德祐間又燬於兵元至元十四年縣尹葛師亮重建至正末又燬明洪武三年知縣朱鐸重建嘉靖十年知縣柳應陽稍徙而北知縣李調元建文昌閣於學東萬曆

三年知縣秦文捷大加增建天啟間教諭周民改泮池於櫺星門外崇禎二年燬

國朝順治二年徽甯道張文衡教諭吳邦俊各捐助創建後徽甯道郝璧袁仲魁孫登第申偉抱知縣李滋發周一熊王融教諭毛策訓導卞目郅劉完人劉其液相繼修葺康熙四十年知縣夏文炳以學宮地勢卑下將明倫堂舊址并割縣署地改建雍正十年知縣紀咸建泮池石橋及門外左右德配天地道冠古今二坊並照牆一堵乾隆八年生員方璧捐資自正殿兩廡及門牆牌坊概行繕葺嘉慶十年附貢生朱則漢朱則璟等呈請修葺殿基加高一尺脊高五丈六尺瓦覆以瓷柱易以石兩廡戟門櫺星門泮池石坊皆新之規模視舊增壯

太平縣儒學在縣治東南宋初在縣治西嘉祐中縣令孫覺徙

建今地元至正開縣尹李誠重建明洪武三年知縣李簡十五年知縣齊景達繼修正統三年提學彭最檄知縣張珪增建後又拓而新之正德間知縣楊良臣復拓前基易櫺星門以石嘉靖中盡圯三十年邑人御史崔涯給事中周怡倡建教諭王佳士改建明倫堂鑿泮池天啟間漸圯教諭龔立本重修

國朝順治五年教諭虞敬倡建泮池石橋修明倫堂康熙二年知縣陳恭教諭袁澄訓導董雲申加葺二十年知縣王璘因宮隘狹市地拓垣廣舊址十之七三十一年知縣張進籙捐修雍正元年知縣陳永宗教諭汪席珍訓導黃昌巖勸輸重修乾隆十一年知縣楊大瀆重修嘉慶二十年邑紳士王令璋崔墳方瑾標崔世德張應揚創議更新捐資巨萬規制視舊增倍至二十二年告竣左都御史汪廷珍有記同治七年重修

池州府

池州府儒學在府治西北舊在城東南隅

江南通志附載唐韋表微池州夫子廟

臺碑銘按唐文粹載韋表微麟臺碑銘其序云表微以滑之從事使於鄆陽經獲麟之舊墟且曰後之人築臺於此以旌厥路徘徊道周乃作銘曰云云據此則非池州審矣今此碑載宋開山東通志唐詩紀事加以池州二字池當是滑字之譌

寶初知府成昂移建於城西北至和開知府吳仲復仍移建於

東南後陳桷周應龍葉凱王伯大相繼重修元至元四年總管

李不花與迭列思入重修元末燬於兵明洪武三年知府王祖

順重建增置齋舍正統初知府葉恩加修成化初知府李宏重

建明倫堂四齋兩廡戟門櫺星泮池一時並舉宏治間知府陳

良器祁司員正德九年何紹正相繼修葺嘉靖十一年知府侯

緘建啟聖祠葺兩廡敬一亭貯六箴碑各縣如之然其地卑窪

夏涉江漲水迫學宮隆慶元年知府尹士龍遷於今地知府馮

叔吉落成之萬歷中李思恭金本高天啟中潘應龍重葺

國朝順治七年梁應元修康熙八年本學教授朱玉增葺十二年

知府朴懷玉修建明倫堂儀門十七年知府喻成龍大加修葺

並築宮牆張英爲之記

池北偶記夫子宮牆多士者蓋已二百餘年土木之工不三十年而輒毀以

故旋圯旋葺前賢之官於此地者各與有勞勩載在冊書不容

泯滅而要未有若金州喻公今日建學之盛也何則今之時亦

大異於昔之時矣期會簿書日不暇給非若向之從容就理也

職事雖具然不閱乎六計無操約以程也且軍興旁午長吏多

以時具交芻勑勞鞅掌非若向之時乘農隙百廢具修也無怪

乎郡若邑多委謝後來而自視遽廬然矣喻公獨謂今

天子右文至意正以學宮爲人心根本之地余亦體

意盡心焉已耳是以良畫夙具斷不道謀竭力捐俸錢而外聞

有事於募助令六邑之有力者助之資而財可稱任矣鍾鑿者

鍾次絡坊慢歌百工非有專官不能朝視而暮攷也於是遴府

幕及吏胥之能者視作登記纖悉備載而力可稱任矣物力有

餘故經費無逗撓趨作無怠媮自丁巳冬月經始至戊午六月

爲夫子廟如制上可建三丈旗下可容千餘人蓋堂堂焉可以

憑鬼神廡下周還與美兩兩如翼若啟聖祠若明倫堂文昌祠

皆次第修舉不遺餘力戟門外竊地爲泮水其外爲一坊顏之

曰泮宮公親書之英曰喻公知爲政之要矣夫士民之秀也規

矩之文也

其地宜則易化示之儀象則易從昔文翁治蜀以教化而蜀中諸士比於鄒魯之鄉一時有長卿淵雲之屬蔚起焉宗澤官龍游與庠序延師儒而擢科者相繼彼其民皆未知學也知公乘昌期視形勝而臨訓誨之有不追美如曩日也哉夫專以科目期人才固非教者之至意顧士不由之無由自見如靖難之陳公黃公皆是也余聞公於兩公祠宇皆加意營造公之所以助池人士者深矣僅科名云爾乎哉或曰學之役不自公爲郡始也公以建德令遷監郡卽謀之於前太守周公洎六邑之台長而身任其事公之功懋哉余曰唯唯於是學博吳門陸君德人京口包君斌屬余同籍章孝廉書以屬予予乃爲之記

五

十四年知府李英重修雍正四年知府王書葺之於麟臺下得古井乾隆元年知府李暉重修二十三年知府寶臨重修正殿明倫堂兩廡各祠門坊表時有銅陵貢生李應芳獨備殿瓦翬脊銅陵貢生章培獨新大成門及金聲玉振兩門二十三年知府李本璋重建崇聖殿四十年知府張士範倡修明倫堂四齋易泮宮前木坊爲戟坊三座宮牆完整丹堊一新中爲正殿前爲麟臺翼以東西兩廡前爲大成門又前爲櫺星門爲泮池山

池而前爲泮宮甄坊在右爲照牆東西樹坊二曰德配天地道
冠古今咸豐初學燬同治六年署知府彭定瀾經始重建知府
李翰華陳介璋踵成之

崇聖祠 名宦祠 鄉賢祠 忠義孝弟祠 節孝祠

各縣學同

貴池縣儒學在府治西明洪武三年建學於縣治東僻居塘塢
矩矱湫隘宏治十三年巡撫都御史彭禮按節是邦謀改建知
府祁司員遷於黃狀元觀故宅卽今陞萬厯間推官李養冲知
縣蕭繼美相繼修治

國朝順治十二年知縣李愈昌修康熙十八年知縣劉光美重修
二十一年知縣羅鎔教諭錢塹訓導宗觀捐修二十四年同知
周疆復修四十二年知縣吳儀重修雍正元年知縣張其赤加
葺乾隆四年知府李暉知縣陳景瀄重修規模擴於舊觀二十

一年知縣桂耳順孫今敬相繼同邑人重新明倫堂三十三年知縣王寅修葺正殿三十四年知縣言朝楫修葺祠廡橋門四十年知縣林夢鯉署知縣王銓訓導張綸復加修葺

青陽縣儒學在縣治東南舊在縣署東宋隆興二年縣令楊元秉遷建東南元大德間縣尹吳廷輔遷縣署東明洪武七年知縣張文昱復遷東南故址卽今地成化間知縣王政重修宏治末知縣錢瓚嘉靖丁未知縣嚴諒重修萬曆五年知縣蘇萬民重修天啟辛酉知縣李如桂重修徐鳴皋有記

國朝順治十三年知縣楊夢鯉重修康熙二十一年知府喻成龍增修四十七年知縣張容重修雍正八年知縣陳慰祖重建正殿十年邑人增修乾隆二十一年知縣孟承對重建櫺星門而高大之三十年知縣聶學義倡建尊經閣三十九年知縣吳文

濤更新殿楹周樹石闌而垣墉其外嘉慶十二年陳斌率閭邑紳士重加修葺咸豐初學燬同治中邑人重建

銅陵縣儒學在縣治東舊在縣治西宋淳熙中縣令林桷遷於治東元末燬於兵明洪武初知縣時守道重建復圯宣德七年邑人余志貴等修之正德十年知府何紹正復遷於縣西舊址嘉靖十七年知縣周納仍遷於東舊址明末復燬於兵

國朝順治十二年知縣劉日義裴國熙相繼修葺康熙十八年邑人余繼益合族捐資重建二十三年知縣張世俊三十六年知縣孫維震四十一年知縣勞心吾五十八年知縣李維雍正九年知縣朱岳楷乾隆七年知縣王錫蕃皆相繼修葺十二年知縣單履中倡建甬道重修殿堂廡閣咸豐初學燬同治中邑人重建正殿兩廡櫺星戟門崇聖祠魁星閣及四周宮牆

石埭縣儒學在縣西門外舊在縣南門外元末燬於兵明洪武三年知縣陳霖始建尹安續成之嘉靖十六年知縣潘大綸移建今地萬厯後屢圯屢葺

國朝順治十四年知縣高駿升十七年知縣王大初相繼重修康熙八年知縣姚子莊訓導周體元復修造尊經閣三十四年知縣佟世道雍正七年知縣陳兆翺相繼修葺乾隆二十年知縣余楷復倡邑人陳梯雲重新輪奐知縣吳文濤爲之勒石貢生張瑞芝捐建騰蛟起鳳二坊

建德縣儒學在縣治西北隅舊在縣治東宋嘉定間縣令吳淵移建今址元明因之自宣德八年知縣吳楨成化十八年知縣

蒯賢正德年間教諭李淮皆重修汪偉爲之記

監察御史吳公奉命巡南畿諸

郡甲戌冬又十一月六日按節於池之建德再閱日謁先聖於文廟已登明倫堂坐諸生執經以次講已起觀射諸生

綱進射已乃周覽棟宇嶺瞻後前遷坐於堂進師生而言曰茲
學敎甚不修何以稱育賢之典且吾觀堂東地最勝今所建處
偏而後虛殆首事者之不審乎不改爲何以發山川之奇教諭
李淮對曰此淮之夙心也非直淮也邑之士暨凡茲於茲者咸
病之願力弗贖耳君乃令會一堂兩齋及門之費凡若干先勸
邑中好義者捐資以助得百餘金繼出行臺贖緩之金又二百
餘乃掄材鳩工卜日興事益市鄰堂民居隙地以廣基議既定
乃徹其故作之去舊堂東十丈許後枕象山之雄前揖玉峯之
秀四閱月而堂齋暨門告成地勝材良頓易舊觀民不知勞如
神之輸諸生朝揖於堂而退修於齋中雍雍于于心目爲舒皆
充然若有得也於是教諭淮具事本末走南雍請記且曰願一
言爲吾士告予作而歎曰盛哉茲舉也觀諸此可以知爲學矣
夫聖人之道本自中正而光明其偏邪晦蝕非道之弊也爲道
者之過也昧者不知習而安焉者有矣其知而不能改改而不
能大有所振拔皆過也不猶茲堂之舊乎一旦翻然覺悟舍其
舊而新是圖以趨於中正光明之域同視向之所處始惕然而
遷哉然以慙不猶茲堂之今日乎矧士之爲學不費材力方寸
轉移之間而得失相懸奚啻千里又有易於堂之爲者亦何憚
而久不爲此也諸士觀茲堂之成既有所感發矣當益堅乃志
勵乃行動以聖賢爲標準以修諸身而達諸政俾國家收多士
之效鄉邑有多賢之稱推原厥功知有所歸庶幾不負諸君子惓惓之心也

改建於西門下

崇禎四年知縣楊錫璜

國朝康熙元年知縣高寅復移建城內舊址屢圯屢修四十年知縣陰本騭五十五年知縣許彥桓雍正五年知縣董大呂乾隆四年知縣錢觀皆重修至四十一年漸就傾圯知縣許起鳳教諭王宮訓導丁如琦率眾紳士捐資更建嘉慶四年知縣簡榮教諭林晉奎訓導彭蘊琨重修

東流縣儒學在縣治東宋初建學在縣東北元至元中重建元貞中縣尹袁裕擴之後燬於兵明洪武初縣丞祝文貴移建於縣治東卽今地成化中知縣蕭珮改建於縣治東北明末燬於兵

國朝順治四年知縣鄧聖求蘇宏謨復移建於縣東故址康熙十五年知縣侯之桓重葺二十二年署縣事同知周疆重修並造學舍雍正元年知縣李天柱移建舊址之東四十餘丈宮牆殿

廡一新乾隆十九年知縣蔣綬復修增建更衣亭一

太平府

太平府儒學在府治西宋治平三年州守李仲卿始建於城東

南隅卽今院側巷地王安石爲之記

太平州新學在於城東南治平三年司農少卿建安

李侯仲卿所作侯之爲州也寬而有制靜而有謀故不大罰戮而州既治於是百姓相勸出錢造侯之庭願興學以稱侯意侯爲相地遷之爲屋若干間爲防環之以待水患而爲田若干頃以食學者自門徂堂閣壯麗密而所以榮養之器備具蓋往來之人皆莫知其經始而特見其成既成矣侯罷去州人善侯無窮也乃來求文以識其時嗟乎學之不可以已也久矣世之爲吏者或不足以知此而侯知以爲先又能不費財傷民而使其自勸以成之豈不賢哉然世之爲士者知學矣而或不如此所以學故予於其求文而因以告焉蓋繕道莫如善守善莫如仁仁之施自父子始積善充之以至於聖而不可知之謂神惟仁而上之以至於聖人之於天道此學者之所當以爲事也昔之造書者實告之矣有聞於上無聞於下有見於初無見於終此道之所以散百家之所以成學者之所以弊也學乎學乎將以一天下之學者至於無弊而止遊於斯饌於斯而徐說之不知則是美食逸居而已者也李侯之爲是政和七年州守劉會元以也豈爲士大夫美食逸居而已哉

庫陋上聞詔創新學明年畢曄成之建炎紹興閒又兩遷而後
定於今址自乾道元年王柁重修建宸章閣復禮堂及郡學樓
淳熙四年楊俛建頤益巽兌四齋於講堂東北嘉定十年陳貴
謙更新四齋曰率性修道正心誠意淳祐年間相繼修葺
規制始完元至元元貞泰定元統至正年間相繼重修明洪武
初從守將吳昇耆儒陶安請升州爲郡永樂四年知府徐敬更
修正統七年知府楊士敏當塗知縣張嵩撤而新之天順四年
知府俞瑞宏治四年知府徐節十五年知府周進隆正德十年
知府周統相繼葺治嘉靖元年諸生倪嵩等請於知府傅鏞植
松柏於櫺星門內後起土山左塞污池參政邢珣記八年知府
林鉞重修十年制增敬一堂貯六箴碑各縣如之四十四年御
史王汝正屬知府費增移學廡於西列尊經閣後萬曆十八年

知府陳璧且修且創移正殿稍東數丈塞門內泮池東擴門路
官廨祠圍廳舍三坊二十五年劉應鈞修仍移正殿還舊址三
十六年余思明三十九年何士林俱修四十六年巡按御史駱
駿曾發帑屬知府胡爾慥濬市河達泮水四十八年知府李若
訥再修天啟三年經歷莊若華教授張盛治偕諸生大啟閣後
牆垣崇禎十一年巡按御史張煊屬知府劉正衡修

國朝順治七年教授熊光緒訓導李元復以諸生楊正極陳重蕃
等請建文星閣於學門之東南十一年知府王以約捐俸合諸
生大修廢墜盡復十四年總督馬鳴珮捐資重建名宦祠康熙
元年知府胡季瀛推官許巖光修尊經閣十一年知府黃桂倡
修屬教授朱驥縣學訓導史以徵先後董事葺治明倫堂兩廡
啟聖祠名宦祠又建學門及廨舍十九年知府楊霖又修五十

五年知府李敏迪重修正殿兩廡雍正七年知府李暉教授蔡
兆昌重修櫺星門戟門重建明倫堂文星閣尊經閣乾隆十九
年知府朱肇基倡學屬勸輸董理修復泮池橋尊經閣嘉慶二
十四年知府張丕昌率屬重修復將餘款存典生息歲得百金
以備歷年修葺之費咸豐初學燬光緒二年邑人重建殿廡

崇聖祠

名宦祠

鄉賢祠

忠義孝弟祠

節孝祠

各縣學同

當塗縣儒學在府治東南宋紹興間郡學地也先是以當塗附
州未置學元始置而未立學宮明洪武六年知縣王俊始建地
在西隅孫大雅爲之記邑有學學有廟禮也債於兵時也債而
書懼弗勸也謹按姑孰縣三當塗故整劇更以事殷不遑暇給
教弛俗窳寢爲當然洪武五年永平王俊屬宰是邑下車之日
首登進其民間學所在皆謝不知問左右吏吏相顧愕吁謝亦
如之俊歎曰民不知學烏能知方乃藉蠶快貪示以不取又示
以不偏暮年民恬於化俊曰可矣乃召父老端笏齊服而令曰
嘻子來前若知有父子乎曰有知有君臣乎曰有知君君臣臣

父父子子所從來乎曰不知也俊起立以手加額曰此吾夫子之教也教猶天也天可忘乎吾嘗愛仰敬畏如父母神明日月雷霆也人不知有父母神明日月雷霆則狂愚瞽瞍而已今使若等去任愚瞽瞍而已天子之命而尊聖人之教可乎眾曰諾敢不唯命於是卜吉自率父老子弟距行春門不百武辨方正位鳩工庀材闢地之湫隘濇深以爲亢爽得或若干禮煥倫堂門廡齋庖以大畢興繚池以垣飲射以圖像先聖之容秩先師之位丹漆黝至金碧斧藻巍然煥然鬱密堅緻雖數世封君之家有弗能倣又刻致郡士爲師以主之生徒彙集弦誦之聲竟日夜不輟歷再稔廟興學完集大夫士調先聖行釋菜禮民環觀之噴未嘗有會詔郡縣凡鄉學置弟子員髫髻年齒稱左提右挈于干而來籍入凡五十人不踰月冠帶趨錦雍容爾雅莫不知教君子謂若有相者矣嗚呼爲之難易在人成之難易在天使爲有不盡其難則成固不獲其易爲於人若此成於天若彼書是以勸來者宜哉俊字用章精敏廉勤事無大小談笑麾之吏畏民服學校其一也是役也會令之俸半入學而教諭胡昭訓導劉台李炳則左右之里士陶仲實於子中實經營之學後舊在城東門外洪武三年始改卜於此其地蓋朱之尉司云後知府楊士敏知縣張崑拓成之成化初知縣韓棊遷建正殿櫺星門七年知府施奇周鳳知縣張鏞宏治三年知縣亢霖建號舍二十楹正德六年御史洗光屬知府周統重建廟門齋廡十

一年御史張仲賢重造戟門齋廡嘉靖八年知府林鉞知縣張一厚增修二十一年知縣周居岐二十四年巡按御史張雲路隆慶四年知府王璽知縣周守愚相繼重修萬曆三年諸生以學基卑下請於巡撫都御史宋儀望遷建今地二十四年諸生請於巡按御史龔文選闢龍津門市門外民居豁學前蔽翳迎東南山水秀氣二十六年知縣經世文王思任教諭李自新修葺三十一年御史劉曰梧建尊經閣三十九年諸生請以廟後隙地剏聚奎樓建大成坊於龍津門外知縣朱汝鼐資助厥功四十三年樓下產玉芝者再故名玉芝堂天啟元年知府李若訥捐登大成坊長街崇禎十三年知府鄭瑜知縣黃昌允捐修十六年總兵左良玉南徙兵掠沿江州縣時守者以大成坊逼城濠僉議折去嗣後尊經閣圯集賢樓燹於兵

國朝順治四年知縣張京修其僅存者十三年池太道周體觀署
教諭萬允鼎重修門堂殿宇康熙十年訓導史以徵重修正殿
及崇聖祠知縣寇明允竣其事十四年修明倫堂戟門十六年
知縣高起踵修十九年知府楊霖知縣王斗樞倡修殿廡及戟
門二十三年奉文修葺學宮監司郡縣暨學博各蠲輸修正殿
明倫堂重建敬一亭易從祀木主樹江表文樞坊知縣王斗樞
教諭李珮董工規模宏煥與郡庠埒五十八年署府事同知張
鼎知縣王巨源教諭徐王棟訓導余輔泰重修改建崇聖祠於
前復尊經閣舊址又建集賢樓於祠後雍正四年提學孫嘉淦
以學租銀修明倫堂兩廡十年提學王蘭生以學租銀修葺正
殿尊經閣乾隆十年知縣李永芳復倡修正殿戟門敬一亭崇
聖祠集賢樓易兩廡明倫堂諸朽敝並整砌先賢先儒各神座

自學門抵坊直街舊坊南增建一坊玉帶街東西樹緯楔二十一年知縣秦廷堃捐俸修整門廡垣甃四十五年邑人重修嘉慶二十三年閤邑紳士捐輸重修教諭黃鳴泰始其事陸繼錦竣其工成豐初學燬同治六年知府唐景皋知縣周溶經始重建知縣徐正家邑副貢生吳學榮踵成之舉人唐瑩爲之記

蕪湖縣儒學在縣東南一里許宋元符三年縣令蔡觀建張商

英敘之

蒲陽蔡君治邑蕪湖才優職舉政成令孚作新廟學推本真儒走書求文紀厥終初乃敘而係之以頌曰宜水

在東大江滔滔滙爲蕪湖有邑其泉江山靈氣宜爾士類不盈儒業是肄落落蔡君繁榮其文爰師爰長庶事孔勤不獨揭以銳不戴翦以細我有詩書以誨以勵適修斯庠迺崇斯堂邑士戾止冠履方圓冠如之何高明不息方履如之何博大以直能地能天兩性則然譬彼泉蒙其達成川爾學爾問聖師之心令君之訓長湖汪洋鱗潛羽翔樂只君子德音不忘

頌文闕一句

崇甯二年縣令林修廣拓學宮建炎初燬於火紹興十

三年縣令楊瑗重建慶元三年縣令黃滋重新嘉熙中縣令

崇玳增葺講堂齋舍及宗英游學二齋元至元二十二年縣尹

臧源訓導李子章重修明洪武二十九年知縣宋彬重修建明

倫堂講堂并兩齋永樂十三年縣丞周宗溥等重修建射圃景

泰六年知縣蔡啟成化二年知縣陳源相繼修葺四年知縣張

淮製禮器並作文以記禮器之制尚矣籩簋以竹俎豆以木簠

以金或以木各有其義與所宜也自遭秦滅學之後禮經殘缺

器亦就敝而先王之制度蕩然不復存矣後世禮圖如簠簋犧

象尊與爵之形制不無可議近世有以陶為之者則一於瓦范

銅為之者則一於銅而古之以竹以木以金以陶者略無差別

僅存其名號而已噫制度之精微雖老師宿儒猶莫知焉可慨

也夫太祖皇帝誕膺天命大興文教制作之盛度越千古列聖

相承益隆聖道肆我皇上尤注意焉詔加籩豆增樂器尊崇之

典曠古所無於戲盛哉成化丁酉冬十有二月朔淮來知縣湖

縣事越明年戊戌春二月將有事於上丁先期詣學宮徧閱所

藏器類皆以陶而銅錫亦間用之苦窳闕裂率不可用心竊病

焉既而謀諸丞陸瑀教諭胡直訓導趙贊王綸欲考古今之制

而新之乃敍於南雍歷訪形制並購博古圖歸每退食之頃反

覆詳考參以詩書之圖質以先儒之言復得李生贊相與討論

之似有得其一二其疑而不決者則質諸胡公焉如是者久之

夏冬之交自下學學校志學宮

三 太平府

然後乃致命工編竹爲籩篚木爲俎豆范金爲鼎鑄木爲
爵斗陶瓦爲簠簋登劍尊彝他如盛牲有匣滌牲有桶供薦有
盤盥洗有器蠟炬有臺毛血有盤秋入月上丁復有事焉豆
靜嘉牲牲肥腍凡在祭與奔走者莫不有孚觀化有神人荷悅
之意於禮敬而將之以物則以器而其器又足以感人如此則
器亦大矣哉胡公欲圖其形制與目於麗牲之石以示永久且
慮敵或觀圖爲之則敵不敵矣
亦盛心也復請淮記以弁諸首
宏治六年知縣萬璇撤泮池采
藻攀麟二橋砌石爲大成橋十三年知縣張伯祥建尊經閣嘉
靖二十五年權使許用中知縣邵稷市河南荆山培護文峯廡
禁伐石三十三年署通判董宗舒偕教諭賴俸訓導蔡潮梁敷
用形家言拓泮池於學後築土阜以培其脈萬曆十二年知府
林一材以學宮基址爲築城者束縮十之三因擇城隍廟廢址
及廢察院徙建之草創庫陋視昔尤甚十九年知縣葉繼美從
諸生請上之郡守陳璧乃復故地卽今學宮也四十年應天府
推官于蕃以奉委至謁廟見學址促隘面城且屏荆山秀峯於

塘外乃屬知縣魏士前闢金馬門越明年工竣崇禎三年知縣梁應材創立大成坊於金馬門內櫺星門戟門廟殿兩廡明倫堂齋舍名宦鄉賢祠皆增高益廣惟尊經閣卽萬魁閣素稱完固稍事補葺而已

國朝順治四年知縣賈一奇教諭甯鳴玉重修復造大成橋十七年知縣黃裳教諭管嘉藩重修康熙二十三年巡撫薛柱斗捐俸倡修五十三年知縣孟光庭雍正七年知縣朱文昭皆重修九年知府李暉倡率邑人捐資修理易大成坊以石易殿瓦以第又修兩廡及東西齋房乾隆十三年知縣韓文成詳請勸修明倫堂擴舊制於金馬門外增建木坊前額萬世文明後額太和元氣河砌礪岸防神道傾塌與風水有助北鄉紳士修尊經閣南鄉紳士修荆山奎星閣二十七年知縣張肇揚重修於啟

聖祠前建木坊前額居仁由義後額觀德統萃三十六年大成
石坊創卸四十四年邑人易建木坊四十五年建奎星閣於泮
池左四十六年改建太和元氣石坊五十四年邑人重修學宮
六十年重修大成坊嘉慶八年重修尊經閣崇聖祠咸豐初學
燬同治十年重建正殿崇聖祠大成門

繁昌縣儒學在縣治西南隅宋慶厯間建於舊縣內王安石爲
之記奠先師先聖於學而無廟古也近世之法廟事孔子而無
學古者自京師至於鄉邑皆有學屬其民人相與學道藝
其中而不可使不知其學之所自於是乎有釋菜奠幣之禮所
以著其不忘然則祀先師先聖者以有學也無有學而徒廟祀
孔子吾不知其說也而或者謂孔子百世師通天下州邑爲之
廟此其所以報且尊榮之夫聖人與天地同其德天地之大萬
物無可稱德故其祀質而已無文也通州邑廟祀之而可以稱
聖人之德乎則古之祀先聖何爲而不然也宋因近世之法而
無能改至今天子始詔天下有州者皆得立學奠孔子其中如
古之爲而縣之學士滿二百人者亦得爲之繁昌小邑其士少
不得中律舊有孔子廟而庫下不完又其門人之像惟顏子一
人而已今夏君希道太初至則修而作之且爲子夏子路十人

像而治其兩廡爲師生之居以待縣之學者以書圖其故人臨
川王安石使記其成之始夫離上之法而苟欲爲古之所爲者
無法流於今俗而思古者不聞教之所本又義之所去也太元
太初是無變今之法而不失古之實其不可以無傳也至元
燬明初重建天順元年知縣王珣徙縣治學隨縣遷規制草創
成化九年知縣林域以地僻陋乃議移城內卜建縣治之西正
德十二年提學黎鳳知府周進隆屬知縣俞應成又徙於縣之
東嘉靖元年復遷四十五年推官邱浙遷今地萬曆二十年知
縣吳鎮重修焦竑爲之記繁昌學創於宋之慶曆舊在延載鄉
縣治之南已遷東北天順初元徙縣
治金峩鄉而學居其東成化正德間兩徙其處嘉靖丙寅府推
官邱浙川少司徒徐公貢元之議復遷今址萬曆丁亥吳侯鎮
來爲令篤意教事念河直學宮之後形勢弗固采李生一恂議
浚河立廟河干爲墩墩爲二亭以障其缺己亥春大成殿若兩
廡若櫺星門咸大修之神樓士教既開且康譽髦來遊以後爲
恥仁風行而四達義方敷而遐登賢侯倡之於是一恂輩走金
陵屬予爲記余謂三代逮矣漢唐間立學而不以著令宋至仁
宗始詔天下爲廟學而士不滿二百人者猶靳不得立國朝修
禮樂尊儒術以文太平之功其制視近代爲備繁昌小邑也學
屢遷改必適土心而後已師帥之於是亦既勤矣而士之居焉

者僅操筆爲詞章以斬中有司之程豈國家所以造士之意哉且學之議遷起於士風之不振而所以稱不振非利目之弗盛而古道之不興也三代黨庠術序之法鄉射養老尊賢勸農攷藝選言受成獻醴靡不綵學當其時士大夫材行完潔而事功雋偉絕非後世之可幾然其本曰明人倫而已人倫明則良心固機智不生然後能外成敗而自信其守故古薦紳先生抗志權姦乃心王室有廢錮擯抑而其操彌厲者輒近世敦樸之行微而險詖薄惡之習勝廉恥之道喪而妬賢嫉善之意多何者俗流失世敗壞而孝弟之教衰也夫叔季視三代如夢覺之變古法弗廢非一日矣不知古之爲教實出於人心法可亡而人心自苦也在有志者之自立而已繁昌故靜僻紛華所不至士生其閒復多美茂之才況得吳侯焉作新之雖昔之蔽陷者將革其敝風而偕之大道又況乎學問之民故余書三十五侯之績因及古今之變與所望於士者使歸而刻石焉

年知縣鄧一儒四十三年知縣王枉重修天啟四年知縣劉孔源崇禎三年署縣事梁斗輝十四年知縣馮洪攷相繼修治數年復圮

國朝順治十一年知縣張櫓重修於城外東南建文峯塔後又圮康熙七年知縣吳升東訓導戴之瑾請於安撫張朝珍督學道

梁儒各捐俸倡重修乾隆十九年宮牆爲蛟水刷圯知縣王
熊飛重修二十六年修戟門三十三年知縣葉立德嘉慶十一
年知縣鄒杰先後修葺